

Hebreu masare ohâ'ke niî'

A'ti pūrî a'tîro weéro ohâ no'opã niisé niî'

A'ti pūrîre hebreu masare (Judeu masare) ohâki niîwî. A'ti pūrîre ohâ'kire ãyuró waro masî no'oya marí'.

A'ti pūrî Jesu Cristore êho peó du'use pi'to niirâre ohâ no'okaro niîwi.

A'tîro ohâki niîwî. Cristo niî pe'tirã bu'ipi niîmi niisére ohâki niîwî. I'mîsekâharã Ô'âkî hire werê ko'terã bu'i, Moisé, tohó niiká kîî dutisé bu'i niîmi niisére ohâki niîwî. Tohó niiká Cristo sacerdotea wiôgi waro weeró noho niîgi, Melquisedeque weeró noho niîmi niisére ohâki niîwî. "Tohó weerã Cristore êho peó nu'kukã'ya", niî ohâki niîwî.

Ô'âkî hi kîî makí me'ra masaré uúkûki niîwî niisé niî'

1 Diporópi Ô'âkî hi marí yêki simiã Judeu masare pehetîri uúkûki niîwî. Kîî, kîi yeé kiti werê mi'tarãre werêgi, a'tîro weéki niîwî. Âpêrãre bahû yoarópi werêki niîwî. Âpêrãre kê'esé weeró noho i'yóki niîwî. Âpêrãre kê'erópi werêki niîwî. ²A'tóka terore a'ti imí koho pe'tiátoho díporo kîî makí me'ra kîi yeékãhasere maríre uúkûmi. Neê warópiã Ô'âkî hi kîî makí me'ra niî pe'tise a'ti imí kohokãhasere weéki niîwî. Teeré weégi, niî pe'tise kîî maki yeé toha dutígi tohó weéki niîwî. ³Kîíta Ô'âkî hi asistéseré kiogí niîmi. Ô'âkî hi tutuã yî'rigi, ãyú yî'rigi niîmi. Kîî makí kê'ra kîî weeró nohota niîmi. Kîî uúkû tutuase me'ra niî pe'tise a'ti imí kohokãhasere kîî neê warópi weé ni'ka'karo weeró nohota niî nu'kukã weemí. Kîî wêrisé me'ra marí yã'ãro weé'kere yî'rióki niîwî. Tohó weéka be'ro i'mîsepîre Ô'âkî hi tutuã yî'rigi duhirí kumuropi ehã nuhaki niîwî.

Ô'âkî hi maki Ô'âkî hire werê ko'terã i'mîsekâharã nemoró niîmi niisé niî'

⁴Ô'âkî hi kîî makiré kîî wiôgi niisére o'ô turiaki niîwî. Tohó weégi kîî makí kîîre werê ko'terã i'mîsekãharã bu'ipi toháki niîwî. ⁵Ô'âkî hi kîî makiré a'tîro niîki niîwî:

Mi'f yî'f maki niî'. Ni'kaká me'ra yî'f mi'f paki niî' niisére i'yó', niîki niîwî.

Kîî, kîîre werê ko'terãre tohó niîtiki niîwî. Tohó niiká kîî maki yeékãhasere uúkûgi, a'tîro niîki niîwî:

Yî'f kîî pakí niîgiti. Kîî yî'f maki niîgisami, niîki niîwî.

Kîîre werê ko'terã pe'ere neê tohó niîtiki niîwî. ⁶A'tîro weéki niîwî. Kîî makí masã ma'mi ni'kí niigíre a'ti nukúkãpi bahuákã weéki niîwî. Tohó wa'aká weégi, Ô'âkî hi a'tîro niîki niîwî:

- Niŋ pe'tirā y'i'ŋ re werê ko'terā y'i'ŋ makire ehâ ke'a,
êho peoáto, niŋki niŋwī.
- 7 Ō'âkī hi kīŋ re werê ko'terā pe'e maa a'tiŋro niŋki niŋwī:
Yi'ŋ, y'i'ŋ re werê ko'terāre wī'rô weerô noho ipitíkā weé'.
Naâreta taha pekâ me'e weerô noho ipitíkā weé'.
- 8 Kīŋ makí pe'ere "A'tiŋro weegíti", niŋki niŋwī:
Mi'ŋ Ō'âkī hi niisé, wiôgi niisé neê pe'tisomé.
Mi'ŋ masaré keoró dutígisa'.
- 9 Mi'ŋ keoró weesére ma'í'. Apêrà yâ'âro weesé pe'ere yabi'.
Tohô weégi y'i'ŋ Ō'âkī hi mi'ŋ re beségi, wiôgi sôróogi,
i'sê me'ra wa'rêwi. Mi'ŋ me'rakāharā bu'i tohaká weewí.
Masá mi'ŋ re "Ayú y'i'riagi niŋmi", niŋma.
- 10 Apêro Ō'âkī hi kīŋ makiré uúkū'kere a'tiŋro ohâ no'okaro niŋwi:
Wiôgi, neê waropire mi'ŋ basita a'ti nukúkāre, i'mîsere bahúrê'wi.
- 11 A'té mi'ŋ weé'ke pe'tirôsa'. Mi'ŋ pūrikā pe'tisomé. Niŋ nu'kugisa'.
Niŋ pe'tise mi'ŋ weé'ke su'tí weerô noho boâ diharosa'.
- 12 Mi'ŋ teeré su'tí weerô noho tuú pe'legisa'. Niŋ pe'tise teé dika yuú
no'orosa'. Mi'ŋ pūrikā neê dika yuú wee'. Meharóta niŋ nu'ku'.
Mi'ŋ katirí imí koho neê pe'tisomé, niŋki niŋwī Ō'âkī hi kīŋ makiré.
- 13 Ō'âkī hi a'té kê'rare kīŋ makiré a'tiŋro niŋki niŋwī:
Yi'ŋ tiro wiôgi duhirí kumuro diakī hí pe'e duhígisa'.
Mi'ŋ re i'yâ tu'ti'kārāre mi'ŋ doka tohá pe'tikā weegíti.
Yi'ŋ tohó weerí kura mi'ŋ duhígisa', niŋki niŋwī.
- Kīŋ re werê ko'terā pe'ere neê ni'kiré tohó niŋtiki niŋwī. 14 Niŋ pe'tirā
Ō'âkī hire werê ko'terā bahutirā niŋma. Naâ kīŋ dutisére weé ko'terā niŋma.
Naâ kīŋ y'i'rió'kārāre wee tamú dutigi o'ó'okārā niŋma.

Ō'âkī hi masaré y'i'rió'ke kitire wākū niri dutise niŋ'

2 Ō'âkī hi kīŋ makiré niŋ pe'tirā wiôgi wa'aká weéki niŋwī. Tohó weerā
Jesu Cristo yee kitire marí ti'ó'kere nemoró wākū niriŋro iá'. Teeré
wākūtirā, mehêkâ êho peó boosa' niŋrā, wākū niriŋro iá'. 2 Dīporópire
Ō'âkī hi kīŋ re werê ko'terā i'mîsekāharāre kī i yéé kitire werê dutiki niŋwī.
"Naâ werê'ke diakī hí niŋ'", niŋ no'okaro niŋwi. Tohó niŋmikā, masá pe'e naâ
werê'kere êho peóti, y'i'ŋ ni'kakārā niŋwā. Ō'âkī hi niŋ pe'tirā naâ dutisére
weetirāre keoró bu'ŋri da'rêki niŋwī. 3 Marí pūrikā Ō'âkī hi masaré y'i'rióse
kiti ayú butia'sere kió'. Tohó kiomírā, teeré iatirā, kīŋ bu'ŋri da'resére neê
y'i'ri wetísome. Neê warore Jesu Cristo marí wiôgi masaré y'i'riógiti niisére
werê ni'kaki niŋwī. Be'rô taha kīŋ werê'kere ti'ôrá, a'tiŋro weékārā niŋwā.
Diakī híta niŋ niŋrā, maríre werê turiakārā niŋwā. 4 Apêye kê'rare Ō'âkī hi
a'tiŋro weéki niŋwī. Kīŋ a'te kitire diakī híta niŋ niŋgi, pehé weé i'yosere
i'yâ mariase me'ra i'yóki niŋwī. Tohó niiká Espírito Santo me'ra maríre
a'tiŋro weéki niŋwī. Kīŋ iaró noho pehé mehêkārī di'akī wee masísere o'ôki
niŋwī.

Jesu Cristo marí weeró noho ipitígiti niŋmi niisé niŋ'

5 A'ti imí koho pe'tíka be'ro ape imí koho niŋrosa'. Tii imí kohopire
Ō'âkī hire werê ko'terā i'mîsekāharā dutisé doka niŋsome. 6 A'tiŋro pe'e niŋ'.
Ō'âkī hi yee kiti ohâka pūripire ni'kí a'tiŋro ohâki niŋwī:
Ō'âkī hi, de'rô weégi masaré wākūmiti mi'ŋ?
Naâ boâ diharāre de'rô weeákīhi toô kārô wākū ke'timiti mi'ŋ?

⁷ Ō'ākī hi, yoatikā masaré mi'ŷ re werê ko'terā doka niiká weéki niŷwi. Tohō weemígi, naāre be'ropíre wiōrā sōróoki niŷwi. Naāre wiōrā sōróo, niŷ pe'tirā naāre “Áyurá niŷma”, niŷ wākuká weéki niŷwi.

⁸ Niŷ pe'tise mi'ŷ bahúrē'kere masá dutiáto niŷgi kūŷki niŷwi, niŷ ohāki niŷwi.

Ō'ākī hi niŷ pe'tisere masá dutisé doka niiká weéki niŷwi. Tohō weéro neê apêye noho naâ bu'ipi niŷ wee'. Tohō niŷmikā, masá niŷ pe'tisere dutítima yuhūpi. ⁹ Jesu pūrīkāre tohō ohā'karo nohota wa'ákaro niŷwi. Ō'ākī hi kīŷ re a'ti nukúkāpire o'ō'ogi, kīŷ re werê ko'terā dokapi kūŷ ni'iki niŷwi. Ō'ākī hi marīre pahá yā'agi, niŷ pe'tirāre wērī basa dutigi tohō kūŷki niŷwi. Ni'kārōakāre kīŷ wērī pi'etí'ke wapa Ō'ākī hi kīŷ re wiōgi sōróoki niŷwi. Niŷ pe'tirā kīŷ re “Áyú y'i'rigi niŷmi” niŷ dutigi tohō weéki niŷwi.

¹⁰ Niŷ pe'tise Ō'ākī hi yee niŷ'. Kīŷ tutuaró me'ra niŷ nu'ku'. Niŷ pe'tirā kīŷ pō'raré i'mīsepi kīŷ wiōgi niirópi kīŷ me'ra niiká iamí. Tohō weégi kīŷ keoró weé sī'rigi, Jesu Cristo marīre y'i'riógire pi'etíkā weéki niŷwi. ¹¹ Jesu Cristo marí yā'áro weé'kere kō'āki niŷwi. Marīre Ō'ākī hi yarā toháká weéki niŷwi. Marí Jesu Cristo me'ra ni'kí pō'ra niŷ'. Tohō weégi Ō'ākī hi maki marīre “Yi'ŷ akawerérā niŷma”, niŷ masimi. Marīre neê bopōya saátimi. ¹² Ō'ākī hi yee kiti ohāka pūripi Jesu Cristo kīŷ pakiré uúkūsera a'tīro ohā no'okaro niŷwi:

Mi'ŷ yeékāhasere, y'i'ŷ akawerérā mi'ŷ re ēho peórāre werégiti.

Masá nerê wiarópi “Ō'ākī hi áyú y'i'riami”, niŷ mi'ŷ re basá peogiti.

¹³ Apéropi kē'rare a'tīro ohā no'okaro niŷwi:

Yi'ŷ Ō'ākī hire ēho peógiti.

Apéropire niŷ nemowí taha:

Ō'ākī hi pō'ra kīŷ y'i'ŷ re o'ō'kārā me'ra a'tó niŷ', niŷ ohā no'okaro niŷwi.

¹⁴ Marí wērī dihaatíhi ipire kió'. Tohō weeró noho Jesu kē'ra marí weeró noho ipitíki niŷwi. Kīŷ marí weeró noho ipitígi, wēríki niŷwi. Kīŷ wērísé me'ra wātí wērísé o'ogíre doká ke'akā weéki niŷwi. ¹⁵ Kīŷ wērísé me'ra wērísere uirāre, tee doká niŷ nu'kurāre y'i'ri wetíkā weéki niŷwi. ¹⁶ A'tīro niŷ'. Jesu Cristo Ō'ākī hire werê ko'terā i'mīsekāharāre wee tamúgi meheta a'tíki niŷwi. Marí Abraão paramérā niŷ turiarā Ō'ākī hi yarā pe'ere wee tamúgi a'tíki niŷwi. ¹⁷ Jesu Cristo marí kīŷ akawerérā weeró noho ipitíki niŷwi. Marīre y'i'rió sī'rigi tohō weéki niŷwi. Kīŷ wērísé me'ra marí yā'áro weé'kere kīŷ pakiré akobohó dutíki niŷwi. Kīŷ tohō weégi sacerdotea wiōgi masá yā'áro weé'kere Ō'ākī hire sēri basági weeró noho weéki niŷwi. Marīre áyuró wee tamú nu'ku sī'rigi tohō weéki niŷwi. Niŷ pe'tise marí weeró noho weesétigi, marīre pahá yā'agiti nígi, tohō ipitíki niŷwi. ¹⁸ Pehé mehékā wa'aká, pi'etíki niŷwi. Tohō niiká wātí kīŷ re niŷ kehe saaki niŷwi. Tohō wa'asére wākú tutuaki niŷwi. Tohō weégi marīre mehékā wa'aká, wātí marīre yā'áro wee dutíkā, wee tamú masimi.

Jesu Cristo Moisé y'i'rióro niŷmi niisé niŷ'

3 Yi'ŷ akawerérā, Jesu Cristore ēho peórā Ō'ākī hi besé no'o'kārā Jesu Cristore áyuró wākū niriya. Kīŷ Ō'ākī hi yeere werê dutigi o'ō' no'o'ki niŷmi. Tohō niiká kīŷ sacerdotea wiōgi weeró noho Ō'ākī hire mari yeé niíatehere sēri basági weesamí. ² Diporópi Moisé Ō'ākī hi wee dutígi kūŷ'kere keoró weéki niŷwi. Meharóta Jesu kē'ra Ō'ākī hi kīŷ re kūŷ'kere keoró weéki niŷwi. ³ Jesuré Moisé y'i'rióro áyuró wākū y'i'ri ni'karo iá'. Até weeró noho niŷ'. Ni'kí wi'iré weesamí. Tíŷ wi'i nemoró wi'i weé'ki pe'e

āyuró uúkū no'osami. Jesutá wi'í weé'ki weeró noho niími. ⁴Nií pe'tise wi'serire masá weemá. Ô'ákí hi pe'e nií pe'tisepireta weé'ki niími. ⁵Moisé Ô'ákí hi yaräre ko'têgi, keoró weéki niíwi. Kíî da'rasé a'tíro niíkaró niíwi. Ô'ákí hi werê'kere weré mi'tagi niíki niíwi. ⁶Ô'ákí hi yará ni'ká wi'í weeró noho niíma. Ô'ákí hi besé'ki Cristo tíí wi'íkí hi wiôgi makí niími. Kíî keoró weé nu'kumi. Tíí wi'ikáhará maríta nií'. Marí Ô'ákí hire êho peó du'tutirá, kíî yará nířasa!. Tohó niiká “Be'ropí kíî o'oátehere maríre o'ôgisami” nií êho peorá, kíî yará nířasa!.

Ô'ákí hi me'ra niirá soó, e'katíse nií'

⁷Espírito Santo Ô'ákí hi yee kiti ohâka pūripi nií'karo nohota marí êho peó du'tutiká'ro iá!. A'tíro ohâ no'okaro niíwi:

A'tóka tero misá Ô'ákí hi uúkūserere tí'orá,

⁸neê ehêri pō'ra bitítikā'ya. Diporópi Ô'ákí hire yi'rí ni'ka'kārā weeró noho niítikā'ya. Naá yukí mariró, masá marirópi niíka terore Ô'ákí hi dutisére iatf'kārā niíwā. Íatírā, Ô'ákí hire uaká weé nu'kukārā niíwā.

⁹Ô'ákí hi a'tíro niíki niíwi: “Misá yēki simiá masá marirópi niirā, yi'í re uaká weewá. Quarenta kí'mari yi'í āyuró weesere í'yāmírā, tohó weewá.

¹⁰Tohó weégi yi'í naá me'ra uákati. A'tíro niíwi:

'Misá no'ó iaró mehêkā di'akí weé!. Yi'í dutisére neê iá wee!'

¹¹Tohó weégi naá me'ra uâgi, 'Diakí híta a'tíro weegíti' niíwi.

'Yi'í misáre o'oátihí di'tare neê ehásome. Yi'í me'ra soó, e'katí tamusome', niíwi naäre”, niíki niíwi Ô'ákí hi.

¹²Yi'í akawerérā, tí'o masíya. Neê ni'kí yā'áro wākū, êho peótigi niítikā'ya. Yā'áro wākūrā, kíî re êho peótirá, misá Ô'ákí hi katí nu'kugire kō'arā wee boosa!. ¹³A'tíro pe'e weeyá. Imí kohori níki a'mêri wākū tutuakā weeyá. Nií pe'tise misá katirí imí kohore, yā'áro weerí niirā, a'mêri wee tamú nu'kukā'ya. Misá yā'áro weerā, nemoró yā'áro wee sáhā boosa!. Ô'ákí hire yi'rí ni'ka boosa!. Tohó weerā a'mêri wākū tutuakā weeyá.

¹⁴Marí neê waro Jesu Cristore êho peó'karo noho êho peó nu'kurā. Tohó weerā, marí Ô'ákí hi besé'ki Cristo wiôgi niirópi kíî me'ra nií nu'kurāsa!.

¹⁵Yi'í nií'karo nohota a'tíro ohâ no'okaro niíwi:

Ni'kaká misá Ô'ákí hi uúkūserere tí'orá,

misá ehêri pō'ra bitítikā'ya. Diporókāharā Ô'ákí hire yi'rí ni'ka'kārā weeró noho niítikā'ya, nií no'okaro niíwi.

¹⁶Diporókāharā Ô'ákí hi uúkūserere tí'omírā, kíî re yi'í ni'kakārā niíwā. Naá nií pe'tirá Egitopi nií'kārā Moisé miáa no'o'kārā niíkarā niíwā. Tohó miáa no'o'kārā niímírā, Ô'ákí hire yi'rí ni'kakārā niíwā. ¹⁷Quarenta kí'mari Ô'ákí hi yā'áro weerá me'ra uákí niíwi. Naá yukí mariró, masá marirópi wērí baha ke'atikārā niíwā. ¹⁸Ô'ákí hi kíî re yi'í ni'ka'kārāre

“A'tíro weegíti” niíki niíwi: “Yi'í naäre o'oátihí di'tare neê ehásome. Naá yi'í me'ra soó, e'katí tamusome”, niíki niíwi. ¹⁹Tohó weerā marí masí!. Naá Ô'ákí hire êho peótise bu'iri kíî o'oátihí di'tare ehâ masitikārā niíwā.

4 Ô'ákí hi diporókāharāre “Soó, e'katí tamurá a'tiá”, niíki niíwi. A'tíro niiká marí kē'rare meharóta nígi weemí. Apé tero weerā ni'karérā misá tiropi niirá kíî me'ra soó, e'katí tamuti boosama. Tohó weerā āyuró me'ra kíî re yi'tiró iá!. ²Marí kē'ra diporókāharā weeró nohota masaré yi'rióse kitire weré no'o'kārā nií!. Naá marikā mehó waro tee kitire tí'ókārā

níwã. Teeré tí'omírã, êho peótikãrã níwã. ³Marí teeré êho peórã pūrikã, kîî me'ra soó, e'katí tamurãsa'. Ô'âkî hi ì'mîse, a'ti nukúkã weé tu'a eha ni'ko toha soóki níwî. Dìporópire “Soorásama” niî'ki níimigi, masá marirópi síhã'kãrãre uúkūgi, a'tíro níiki níwî:

Yi'íre êho peótise bu'iri naê me'ra uâgi, “Diakî híta yi'í me'ra soó, e'katí tamusome”, níwî, níiki níwî.

⁴Apêropi Ô'âkî hi yee kiti ohãka pūripi kîî a'ti ímí kohore wee tíoka nîmi be'rokãhá nîmire a'tíro ohã no'okaro níwî:

Tii níimí níikã, níî pe'tise kîî weéka be'ro saurúre soóki níwî Ô'âkî hi.

⁵Opâturi meharóta a'tíro ohã no'owi taha:

Yi'í me'ra soó, e'katí tamurã wa'ãsome, níiki níwî.

⁶Dìporókãharãpi Ô'âkî hi yi'rióse kitire tí'ó mî'ta'kãrã, naê yi'rí ní'ka'ke bu'iri kîî me'ra soó, e'katí tamurã wa'átikãrã níwã. Apêrã pe'ere kîî me'ra soó, e'katí tamurã wa'aátoho dí'sá' yuhûpi. ⁷Dìporókãharãpi naê soó, e'katí tamurã wa'átikã ì'yãgi, Ô'âkî hi marí pe'ere ape ními bese kúúki níwî. Kîî beséka ními a'tóka tero ní'. Ô'âkî hi be'ropí Davi ohã'ke me'ra maríre a'teré masiká weemí. Teeré Ô'âkî hi yee kiti ohãka pūripi a'tíro ohãki níwî:

A'tóka terore misã Ô'âkî hi uúkūse tí'órã, misã ehêri pō'ra bitítikã'ya, níiki níwî.

⁸Too díporópi Josué Israel kurakãharãre Canãã wamêtiropi sí'orí miãaki níwî. Kîî naãre toopí miãã, naãre soosé o'ótiki níwî. Kîî o'òka be'ro níikã maa, Ô'âkî hi be'ropíre teeré uúkū nemoti boopí. ⁹Tohó weéro masí no'o'. Áyú butia'se soosé Ô'âkî hi a'tí dí'ta weéka be'ro soó'karo nohota marí kîî yarãre soosé dí'sá' yuhûpi, níî no'o'. ¹⁰Ô'âkî hire áyuró êho peógi, kîî me'ra soó, e'katí tamugísami. Kîî da'rasétisere kîî me'ra áyuró tí'ó yã'agísami. Ô'âkî hi marikã kîî da'rãka be'ro soóki níwî. Tohó weégi Ô'âkî hi me'ra níigí kîî me'ra soogísami. ¹¹Ô'âkî hi me'ra soorã tí nífrã, marí kē'ra wãkū tutuaro íã'. Dìporókãharãpi Ô'âkî hire yi'rí ní'ka'karo weeró noho wee sirú tuutikã'ro íã'. Naê êho peótise bu'iri kîî me'ra sootikãrã níwã.

¹²Ô'âkî hi yee uúkūse níî nu'kukã'. Tutuã yi'ria'. Yóserí píhiho píã pe'eseri ise yohãka píhi me'ra yósêro weeró noho ní'. Tii píhí nemoró Ô'âkî hi uúkūse pūrikã marí po'peapi, marí ehêri pō'rapí, marí wãkūsepi, níî pe'tiropi sãháasa'. Ô'âkî hi uúkūse tí'órã, marí po'peapi wãkūse “Áyú níî, ou yã'ã níî”, níî bese masí no'o'. ¹³Marí Ô'âkî hi weé'kãrã níî. Kîî re neê du'ti masí wee'. Níî pe'tise marí níisere, marí weesere kîî ì'yã masimi. Kííta marí weé'kere “De'ró weérã tohó weerí?” níî beségísami.

Jesu sacerdotea wiôgi weeró noho níimi níisé níî'

¹⁴Jesu Ô'âkî hi maki sacerdotea wiôgi weeró noho maríre Ô'âkî hire sêri basági níimi. Kîî Ô'âkî hi tiropi níimi. Tohó weérã marí kîîre êho peó nu'kukã'ro íã'. ¹⁵Ô'âkî hire maríre sêri basági sacerdotea wiôgi weeró noho níimi. Kíí kē'ra marí weeró noho pí'etíki níwî. Tohó weégi marí tutuátikã, maríre pahã yã'asami. Kíî níî pe'tise yã'ãro wa'asére tí'ó yã'aki níwî. Tohó níikã wãtí maríre yã'asere wee dutíro nohota Jesu kē'rare yã'asere wee dutíki níwî. Wãtí tohó wee dutímikã, Jesu pe'e neê ní'kãtí yã'ãro weetíki níwî. ¹⁶Maríre kîî pahã yã'a yuukã, uiró mariró Ô'âkî hi kîî wee tamúsere sêri masí'. Maríre áyuró weegísami. Maríre mehêkã wa'akã, kîîre wee tamúse sêrikã, pahã yã'agísami.

5 Sacerdotea wiôgire besérã, naâ wa'tero niigíre besemá. Kîî, masa yeékãhase niiatehere Ô'âkî hire sêri basági niimi. Masá yã'aro weé'kere akobohóse sêrígí, wa'tkîrãre wêhé î há moromi. ²Sacerdotea wiôgi marí weeró noho niimi. Masí niígi, kîî kê'ra tutuâtími. Tohô weégi tutuâtirãre, ti'o masítirãre, no'ó iaró wee bahá ke'atirãre pahá yã'asami. ³Kîî kê'ra kîî basi yã'aro weé'ke wapa âpêrãre wee basáro nohota wa'tkîrãre wêhé î há morosami.

⁴Neê ni'kî sacerdotea wiôgi kîî basi besé sãha masítisami. A'tíro pe'e weé no'osami. Ô'âkî hi basi besé sôróosami. Kîî Arãore weé'karo nohota weesami. ⁵Ô'âkî hi besé'ki Cristo kê'rare tohóta wa'âkaro niíwi. Cristo Ô'âkî hi tiropi sacerdotea wiôgi weeró noho wa'âgi, kîî basi besetíki niíwi. Ô'âkî hi pe'e kîîre besé sôróoki niíwi. Yi'î misãre a'te dipóro ohã'karo nohota a'tíro niíki niíwi:

Mi'î yi'î maki nií'. Ni'kaká me'ra yi'î mi'î paki nií' niisére î'yó'.

⁶Âpêropi kê'rare Ô'âkî hi yee kiti ohãka pûrîpi kîî makiré a'tíro niíki niíwi:

Mi'î sacerdote nií nu'kugisa'.

Melquisedeque nií'karo nohota niígisa', niíki niíwi.

⁷Ô'âkî hi besé'ki Cristo a'ti nukúkãpi niígi, kîîre sêríki niíwi. Kîîre sêrígí, ípítí tutuaró me'ra, utisé me'ra Ô'âkî hire sêríki niíwi. Kîîre wêrtikã wee masí boo'kire tohô sêríki niíwi. Kîî Ô'âkî hi iaró weéki niíwi. Kîî tohô weeká î'yãgi, kîî sêrisére ti'óki niíwi. ⁸Cristo Ô'âkî hi besé'ki kîî maki niímigi, pi'etíki niíwi. Tohô pi'etígi, Ô'âkî hi dutisére yi'tíki niíwi. Teé me'ra Ô'âkî hire yi'tisére âyuró masíki niíwi. ⁹Kîî wêrígí, nií pe'tise kîî pakí kûû'kere weéki niíwi. Tohô weégi kîî masaré yi'rîógi sãháaki niíwi. Marí nií pe'tirã kîîre êho peó yi'tirãre yi'rîó, katí nu'kukã weemí. ¹⁰Ô'âkî hi Melquisedeque sacerdotea wiôgi warore weeró noho kîîre sôróoki niíwi.

Êho peó du'uri niírã, wãkû tutuaya niisé nií'

¹¹Ô'âkî hi besé'ki Cristo sacerdotea wiôgi waro Melquisedeque weeró noho niisére pehé weré sî'risa'. Tohô weré sî'rimikã, misã ti'o masítí, ti'ó sî'ritise bu'iri basió wee'. ¹²Misã yoaká Jesu Cristore êho peówi. Ni'kãroakãre âpêrãre bu'erãpi nií toha boosa'. Tohô niímirã, Ô'âkî hi yeere mehó niiseãkãre opâturi weré apokã íã'. Misã tutuãti butia'rã weeró noho wa'ã' taha. Tohô weérã diãsatiseakãre âyuró ti'óro noho o'ôrá, ti'otí yi'riokã'. Ba'asére ba'ãro noho o'ôrá, ni'kãroakãre wekí ôpekóre sî'rírã weeró noho nií' yuhúpi. ¹³Wekí ôpekó di'akíre sî'rírã, wi'mará waro niíma. Misã naâ wi'mará weeró noho diakí hí weesére Ô'âkî hi yeekãhasere masí wee'. ¹⁴Ba'asé bitisé pe'e bikirã ba'asé nií'. Naã diãsasere masíma. Âyusére, yã'asére bese poó'kãrãpi niíma.

6 Marí âyuró êho peórã nií sî'rírã, Cristo yee kiti diãsasere bu'êrã. Maríre bu'ê mi'ta'kere opâturi bu'etikã'rã maha. Bu'ê tohawi teé maa. Marí bu'ê mi'ta'ke a'tíro niíwi. Marí yã'aro weé'kere akobohóse sêri dutíwi. Tohô yã'aro weé'ke bu'iri pekã me'epi wa'ã boopã, niíwi. Marí wãkusé dika yuúro íã' niisére bu'êwi. Tohô niíká Ô'âkî hire êho peóro íã' niisére bu'ê mi'tawi. A'té neê waro bu'ê ni'ka'kere weetkã'rã maha. ²Apêye kê'rare wamé yeesere, Yãa peó Espírito Santore kioká weesére bu'ê mi'tawi. Tohô niíká wêrî'kãrã masarásama, yã'aro weé'kãrã pekã me'epi bu'iri da'rê no'orásama niisére bu'êwi. ³Ni'kãroakã Ô'âkî hi kîî iakã, apêyere, diãsasere bu'ê nemo boosa'.

⁴⁻⁶Misâ apé tero weerã Jesu Cristore yee kitire êho peómirã, êho peó du'u boosa'. Ô'âkî hi masaré katî nu'kusere o'ôki niîwî. Kîî o'ômikã, naâ êho peó du'u boosama. Tohô êho peó du'urã nohore a'tiro niî'. Naâ wâkusere opâturi neê dika yuú masitisama. Tohô niikã Espírito Santore kiorã noho, no'ó Ô'âkî hi yee kiti âyusé kitire masirá noho teeré êho peó du'urã, neê opâturi naâ wâkusere dika yuú masitisama. Ô'âkî hi tuuasé o'osere masímirã Jesu Cristore êho peó du'urã, neê opâturi akobohóse sêri masítisama. Kîî re êho peó du'urã, naâ basi Ô'âkî hi makire opâturi kúrúsapî paâ bi'perã weeró noho weerã weemá. Niî pe'tirã î'yóropi kîî re yabî buhíkã'rã weemá. ⁷Ô'âkî hi masaré âyuró weesé a'tiro niî'. Masá di'tã weeró noho niîma. Ô'âkî hi naâre âyuró weesé akôro peháro weeró noho niî'. Niî pe'tisetiri akôro pehasétiri niki di'tâpi si'bî sãha'. Akó di'tãpire âyuró si'bî sãhaka be'ro naâ otesé âyuró pí'rí dikátisa'. Tohô dikátikã, tí di'tã wiógire âyú niî'. Ô'âkî hi “Áyusé di'tã niî’”, niîsami. Tohô weeró noho âyuró weerã re e'katise me'ra naâre î'yásami. ⁸Âpêrã pe'e yã'asé di'tã weeró noho niîma. Yã'asé di'tãpire akôro pehãmikã, potã, yã'asé di'akî bahuása'. Tí di'tã wapa marí'. Tí di'tã wiógi teeré î'yãgi, “Yã'asé niî', î há kô'arã”, niîsami. Kîî niî'karo noho Ô'âkî hi kê'ra kîî re êho peó du'urãre meharóta niîsami.

**Marí i'mîsepi niíatehere e'katí yuurã êho
peó du'usome niisé niî'**

⁹Yîî ma'irã, î há kô'asere uúkûmigi, yîî “Ô'âkî hi misãre î há kô'agisami”, niîgi meheta weé'. Misã yî'rió no'o'kãrãpi niî'. Tohô weerã âyuró weé'. ¹⁰Ô'âkî hi keoró weegí niîmi. Kîî misã akawerã Jesu Cristore êho peórãre misã âyuró weé'kere akobohósome. Naâre misã wee tamúser akobohósome. Misã naâre âyuró weerã, Ô'âkî hire ma'isere î'yó'. ¹¹Misã a'tiro weekã ípítí iã'. Âpêrãre wee tamurã, misã niki e'katise me'ra âyuró weé sî'risere tohóta weé yapatíkã'ya. Tohô weéro Ô'âkî hi “O'ôgiti” niî'ke keoró misã wãkû'karo nohota wa'ãrosa'. ¹²Misã nihî siharã dohokã iatísa'. Âpêrã Jesu Cristore êho peórã weeró noho weeyã. Naâ, naâre yã'ãro wa'akã, wãkû tutuama. Neê Jesu Cristore êho peó du'utima. Naâ tohô weekã î'yãgi, Ô'âkî hi naâre kîî “O'ôgiti” niî'kere o'ôgisami. Misã kê'ra naâre î'yã kûu, wee sirú tuuya.

¹³⁻¹⁶Masá diakî híta niî' niîrã, naâ yî'rióro niigi me'ra wamê peorã weesamá. Naâ tohô niî wamê peokã, naâre “Tohô nií wee’”, niîta basiótisa'. Ô'âkî hi pûrikã Abraãore mi'ire âyuró weegí niîgi, ápí wamê me'ra wamê peotiki niîwî. Neê ni'kí Ô'âkî hi nemoró niî yî'ri ni'kagi marimí. Tohô weégi a'tiro weegí niîgi, kîî basi wamê peoki niîwî. A'tiro niîki niîwî: “Diakî híta niî'. Mi'ire âyú butia'ro weegí. Mi'í paramérã páharã niî turiarásama”, niîki niîwî. Abraão kîî tohô niî'kere sohãtiki niîwî. Tohô weégi Ô'âkî hi kîî re “Tohô weegí” niî'kere ye'êki niîwî. ¹⁷Ô'âkî hi “Masaré âyuró weegí” niî'kere dika yuúsoma niîgi, kîî basi wamê peoki niîwî. Maríre kîî “O'ôgiti” niî'kere ye'êrãsa' niî masí dutigi tohô weéki niîwî. ¹⁸Tohô weéro teé piãro kîî wamê peose, kîî “Masaré âyuró weegí” niî'ke neê dika yuúta basió wee'. Ô'âkî hi neê nií soo masitimí. Kîî diakî hi uúkuse me'ra marí kîî yî'rió no'o'kãrãre wãkû tutuakã weemí. Kîî maríre “Áyuró weegí” niî'karo nohota weegísami, niî no'o'. ¹⁹Teeré wãkûrã, marí i'mîsepi niíatehere e'katise me'ra ko'té yuurã, êho peó du'usome. Marí ko'té yuuse niî nu'kukã'rosa'. Dika yuúsoma. Jesu i'mîse Ô'âkî hi niirópi

sāháaki niŵwī. Tohō weērā marī tohō tī'ó yā'a'.²⁰ A'tīro niŵ. Judeu masa sacerdotea wiōgi Ô'ākī hi wi'i po'peapi kīŵ Niŵ butia'ri Tūkupi sāháagi, a'tīro weesamí. ĩ se bitīri kaserore yi'ri sāháasami. Jesu kīŵ wērīka be'ro i'mŵsepi sāháagi, tii kasérove yi'riági weeró noho weéki niŵwī. Marī i'mŵsepi wa'aátihī ma'are pāā basagi weéki niŵwī. Kīŵ tohō weesé me'ra sacerdotea wiōgi waro weeró noho tohákī niŵwī. Kīŵ Melquisedeque niŵ'karo nohota sacerdotē niŵ nu'kugisami.

Jesu Melquisedeque weeró noho sacerdotēa wiōgi niisé niŵ'

7 Diporókī hi Melquisedeque wamētigi Salé wamētiri maka wiōgi niŵki niŵwī. Kīŵ sacerdotē niŵ yuugi, Ô'ākī hi niŵ pe'tirā bu'ipi niigire masaré sēri basákī niŵwī. Kīŵ niŵka terore Abraão apērā wiōrā me'ra a'mé wehegi wa'ākī niŵwī. Kīŵ yarā me'ra naāre dokā ke'akā weéki niŵwī. Kīŵ tohō wee dahákā, Melquisedeque kīŵ re pōo tērīgi ehākī niŵwī. Kīŵ re pōo tērīgi, “Ô'ākī hi mi'ŵre āyuró weeáto”, niŵki niŵwī.² Kīŵ tohō niŵka be'ro Abraão naā wiōrā yee niŵmi'kere kīŵ miŵkāt'i'kere piámukāse mesari dika waā kūuki niŵwī. Ni'kā mesare Melquisedequere o'òki niŵwī. Melquisedeque wamé “Wiōgi keoró weegí” niŵ si'riro weé'. Kīŵ Salé wamētiri maka wiōgi niŵ tihagi, “Ehēri pō'rapī āyuró tī'ó yā'akā weegí” niŵki niŵwī. Salé niŵro “Ehēri pō'rapī āyuró tī'ó yā'ase” niŵ si'riro weé'.³ Melquisedeque paki simiāre, kīŵ yēki simiāre neé masí no'oya marī'. Kīŵ bahuá'kere, kīŵ wērī'ke kērare neé masí no'oya marī'. Tohō weégi Melquisedeque Ô'ākī hi maki Jesu Cristo sacerdotē niŵ nu'kuakihi weeró noho niŵki niŵwī.

⁴ Misā Melquisedequere wākūya. Mehō niigí meheta niŵki niŵwī. Marī yēki Abraão waro marikā naā wiōrā yee niŵmi'kere kīŵ miŵkāt'i'kere piámukāse mesari kīŵ see neé kúu'kere kīŵ re ni'kā mesare o'ò wapa yéeki niŵwī.⁵ Moisé dutí'ke sacerdotēare o'ò dutisere a'tīro ohā no'okaro niŵwi: “Levi paramérā niŵ turiarā sacerdotēa niŵrā di'akīre kāró wapa seáto”, niŵwi. Abraão kīŵ o'ò'karo nohota masá naā kiosére o'ò dutiwi. Naā, naā akawerérā niŵmikā, tohō niikā Abraão paramérā niŵmirā, naā o'osére yē'ékārā niŵwā.⁶ Melquisedeque pūrikā Levi paramí niŵ turiatimigi, a'tīro weéki niŵwī. Abraão Ô'ākī hi “Āyuró weegíti” niŵ no'o'kire kīŵ kiosére o'oká, yē'ēki niŵwī. Teeré yē'ēgi, Abraōre “Ô'ākī hi mi'ŵre āyuró weeáto”, niŵ sēri basákī niŵwī.⁷ A'té diakī híta niŵ'. “Ô'ākī hi mi'ŵre āyuró weeáto” niigí pe'e apí “Tohóta weeáto” niŵ yi'tigí nemoró wiōgi niŵ yi'ri ni'kami.⁸ A'tóka tero sacerdotēa marī wa'tero niŵrā apērā o'osére yē'erá marī weeró noho masá niŵma. Naā kē'ra wērísama. Abraão o'ò'kere yē'ē'ki Melquisedeque pe'e maa Ô'ākī hi yee kiti ohāka pūripī katí nu'kugi weeró noho niigire ohā no'okaro niŵwi. Kīŵ katí nu'kugi weeró noho uúku no'omi.⁹⁻¹⁰ Levi Abraão paramí niŵki niŵwī. Kīŵ paramérā niŵ turiarā kē'ra Abraão paramérā niŵkārā niŵwā. Levi, tohō niikā niŵ pe'tirā kīŵ paramérā niŵ turiarā sacerdotēa niŵkārā niŵwā. Naā, masá o'osére yē'ékārā niŵwā. Abraão Melquisedequere a'mēri boka ehákā, naā kē'ra marī'kārā niŵmirā, Abraão me'ra niŵrā weeró noho niŵkārā niŵwā. Tohō weéro a'tīro niŵta basió'. Levi paramérā niŵ turiarāpi Abraão Melquisedequere o'oká, naā kē'ra kīŵ re o'ò tamu'kārā weeró noho niŵkārā niŵwā.

¹¹ Israel kurakāharā, sacerdotēa Levi yaā kurakāharā me'ra Ô'ākī hi dutisére yē'ékārā niŵwā. Naā Levi yaā kurakāharā Arāo paramérā niŵ turiarā niŵkārā niŵwā. Naā sacerdotēa apērā Ô'ākī hi dutisére siru tuūrāre āyurá wa'akā wee masítikārā niŵwā. Wee masíkā pūrikāre, Ô'ākī hi apí

sacerdote sōróoti boopí. Āpiré sōróogi, Arão yaa kurakī hire sōróotiki niŵī. Melquisedeque weeró noho niigi pe'ere sōróoki niŵī. ¹² Āpí sacerdote sähaká, too dipórokähase dutisé kè'ra dika yúusa'. ¹³ Marí wiôgi Jesu Cristore Ô'ákí hi yee kiti oháka pūripi a'tíro niiki niŵī: “Míí sacerdote Melquisedeque nií'karo noho nií nu'kugisa'”, niiki niŵī. Jesu Cristo sacerdote niíákíhi niímigi, Levi yaá kurakí hi niítiki niŵī. Kíi yaá kurakí hi neé ni'kí sacerdote sähátiki niŵī. ¹⁴ A'tíro masí no'o', marí wiôgi Jesu Cristo Judá yaá kurakí hi niiki niŵī. Moisé sacerdotearé uúkūgi, neé ni'káti “Judá yaá kurakáhará sacerdotearé nií'rasama”, niítiki niŵī.

¹⁵⁻¹⁶ Āpí sacerdote Melquisedeque weeró noho niigi bahuáse me'ra a'tíro masí no'o'. Jesu Cristo sacerdote sähaká, Levi yaá kurakáhará sacerdotearé sōróo duti'karo noho wa'átikaro niŵī. Kíi katí nu'kugi niisé me'ra pe'e sacerdoté säháaki niŵī. ¹⁷ Ô'ákí hi Jesu Cristore a'tíro niiki niŵī:

Míí sacerdote nií nu'kuakíhi nií'.

Melquisedeque nií'karo nohota niígisa', niiki niŵī.

¹⁸ Ô'ákí hi too dipóro kíi dutisé kúu mí'ta'kere mehó niisé tohaká weéki niŵī. Teé masaré áyuró niisétiká weetí'karo niŵī. ¹⁹ A'tíro nií'. Moisé duti'kere yí'tírā, masá áyurá wa'átikārā niŵā. Ni'káoakā maa marí Jesu Cristore ého peórā, áyurá tohá'. Ô'ákí hire masíta basió'. Tohó weerá áyuró e'katí yuu'.

²⁰ Ô'ákí hi kíi makiré sacerdoté sōróogi, kíi basita “Diakí hí weegíti”, niiki niŵī. ²¹ Āpêrā sacerdotearé pe'ere sōróogi, tohó niítiki niŵī. Ô'ákí hi kíi makiré sōróogi, kíi basi wamê peo, sōróoki niŵī. Ô'ákí hi kíi yee kiti oháka pūripire a'tíro ohá no'okaro niŵī:

“Yíí basita diakí hí tohó weegíti” nií'ke dika yúu no'oya marirósa'. Míí sacerdote nií nu'kuakíhi nií'.

Melquisedeque weeró nohota niígisa', niiki niŵī.

²² Kíi tohó nií'kere a'té me'ra masí no'o'. Jesu me'ra Ô'ákí hi “Masaré áyuró weegíti” nií'kere diakí híta nígi weepí, nií no'o'. Kíi Moisé me'ra “Masaré áyuró weegíti” nií mí'ta'ke nemoró a'té be'rokähase pe'e áyú yí'ri ni'ka'. ²³ Sacerdotearé páhará waro sáha mihákārā niŵā. Naá wérisé bu'iri nií nu'ku masitikārā niŵā. Naá wéríka be'ro ápêrā dika yúu mihákārā niŵā. ²⁴ Jesu pūríkā katí nu'kukí 'sami. Kíi sacerdoté niisére ápêrāre dika yúu turiasome. ²⁵ Tohó weégi Ô'ákí hire masí sí'rírāre yí'ri wetí dohaká weemí. Kíi re ého peórāre tohó weemí. Kíi katí nu'kugi mari yéé niíátehere Ô'ákí hire séri basá nu'kumi.

²⁶ Tohó weégi Jesu sacerdotearé wiôgi waro niími. Kíi nohoreta marí íá'. Kíi yá'asé moogí, áyú butia'gi, yá'áro weetígi ními. Marí yá'áro weerá weeró noho niítimi. Ô'ákí hi kíi re nií pe'tirá bu'ipi kúúki niŵī. ²⁷ Kíi ápêrā sacerdotearé wiórā weeró noho niítimi. Sacerdotearé wiórā imí kohori níki naá yá'áro weé'kere akobohósere sérírā, wa'lkírāre wéhé í há morosama. Be'ro ápêrā yeere meharóta wee basásama. Jesu Cristo pe'e a'tíro weéki niŵī. Kíi ni'kátita naá wa'lkírāre wéhé í há moro peo'karo weeró noho weégi, kíi basi kíi wérisé me'ra masá yá'áro weé'kere wérí wapa yéé pe'oká'ki niŵī. Kíi nií pe'tirá yee niíátehere tohó wee basáki niŵī. ²⁸ Moisé duti'ke me'ra sacerdotearé wiôgire sōróorā, a'tíro weé no'o'karo niŵī. Kíi re sōróorā, kíi áyuró weé nu'kutimiká, bese sōróo no'okaro niŵī. Tohó weéka be'ro Ô'ákí hi pe'e diakí híta kíi basi kíi makiré sacerdotearé wiôgi waro sōróoki niŵī. Kíi makí áyugí nií nu'kugire tohó weéki niŵī.

Jesu apo basági niimi niisé nií'

8 Nií pe'tise ni'kâroakâ yi'fî ohâ'ke a'tîro nií'. Jesu Cristo mari yagi sacerdotea wiôgi waro niimi. Kîî i'mî sepi wiôgi duhirî kumuro Ô'âkî hi tutuâ yi'rîgi tiro diakî hi pe'e ehâ nuhaki niîwî. ²Kîî i'mî sepi Ô'âkî hi Nií butia'ri Tükupire sacerdotea wiôgi weeró noho niîsami. Tií wi'i Ô'âkî hi weéka wi'i niísa'. Masa mehéta weepá. ³A'ti di'tapi maa sacerdotea wiôráre wa'ikîrâre wêhé î há moro peo dutiro sôróo no'okaro niíwi. Tohó niiká apêyere o'ô dutirâ sôróo no'okará niíwâ. Tohó weégi Jesu Cristo kê'ra Ô'âkî hire apêye noho o'oká, âyú ti'sa' niígi wêrîgi, kîîre apêye noho o'ôgi weeró noho weéki niíwî. ⁴Jesu Cristo a'ti nukúkâpire toha dohági, neê kâ'rô sacerdoté niíti boopî. Apêrà sacerdotea Moisé dutî'karo nohota Ô'âkî hire apêyere o'orá nií tohakará niíwâ. Tohó weéro basióti boopá. ⁵A'ti nukúkâpi sacerdotea Ô'âkî hi yeekâhasere da'rará a'tîro weemá. Naâ Ô'âkî hi wi'i i'mî sepi niirî wi'ikâhasere weeró noho weérâ weemá. Marí masí'. F'mîsekâha wi'i pe'e tífi wi'i waro nií'. A'ti nukúkâkâha wi'i pe'e i'mîsekâha wi'i weeró noho î'yóro weé'. Tohó weégi Ô'âkî hi kîi yaá wi'i a'ti nukúkâkâha wi'ire wee dutîgi, Moisére a'tîro niíki niíwî: “Áyuró wákûya. Nií pe'tise yaá wi'ikâhasere mi'fîre îrigîpi i'yó'karo nohota weeyá”, niíki niíwî. ⁶A'tóka tero maa maha Jesu sacerdotea wiôgi waro Ô'âkî hi tiropi marîre sêri basá nu'kugi niími. Kîî weesé âpêrà sacerdotea yeé nemoró âyú yi'ri ni'ka'. A'tîro nií'. Ô'âkî hi neê waro masá me'ra apógi, “Yi'fî dutî'kere weérâ, yarâ niîrâsama”, niíki niíwî. Be'roré taha masá me'ra apógi, “Misá wiôgi niígiti. Misâre yarâ wa'aká weegíti. Misâre akobohógiti. Yi'fî me'ra katî nu'kurâsa”, niíki niíwî. Kîî tohó nií'kere masí no'o'. Kîî nií mi'ta'ke nemoró be'rokâhâse pe'e âyú yi'ri ni'ka'. Teé be'rokâhasere Jesutá keoró wa'aká weéki niíwî. Tohó weéro âpêrà sacerdotea weesé nemoró âyú yi'ri ni'ka'.

⁷A'tîro nií'. Ô'âkî hi neê waro masá me'ra apó'ke keoró wa'âtikaro niíwi. Keoró wa'aká maa, masá me'ra opâturi apo nemóti boopî. ⁸Ô'âkî hi neê warokâharâre “Yi'fî dutî'kere keoró weetîma”, niíki niíwî. Naâre kîi yeé kiti ohâka pûripi a'tîro ohâ no'okaro niíwi:

Marí wiôgi a'tîro niími: “Be'ropî yi'fî Israel kurakâharâre, tohó niiká Judá yaá kurakâharâre opâturi âyuró naâ me'ra wee apógiti taha.

⁹Too dipóropi naâ yêki simiá me'ra weegíti nií apó'karo noho niísome. Naâre Egitopi nií'kârâre yi'fî basi mii wiháawi. Naâre Áyuró weegíti, niímiwi. Naâ pe'e yi'fî dutî'kere weetîwâ. Tohó weégi naâre kô'â wâ'kawî”, niíki niíwî marí wiôgi.

¹⁰“Be'ropî Israel kurakâharâ me'ra opâturi Áyuró weegíti” nií'ke a'tîro nií'. Yi'fî dutî'kere naâre wákuká weegíti.

Tohó niiká naâre yi'fî dutî'kere êho peóká weegíti. Tohó weégi yi'fî naâ wiôgi niígiti. Naâ kê'ra yarâ niîrâsama.

¹¹Naâ neê ni'kiré yi'fî Ô'âkî hi niísere bu'êsome. Neê kîî me'rakî hire, kîî akawerégire, ‘Ô'âkî hire masíya’, niísome. Nií pe'tirâ yi'fîre masírâsama. Wi'mará, tohó niiká bikirâ masírâsama.

¹²Naâ yâ'âro weé'kere akobohógiti.

Neê opâturi teeré wákû nemosome”, niíki niíwî marí wiôgi.

¹³Ô'âkî hi neê waropî “Masaré âyuró weegíti”, niíki niímiwi. Be'ró, “Opâturi masá me'ra âyuró weegíti”, nií apóki niíwî taha. Tohó weéro kîî nií mi'ta'ke pe'e pe'tiá wa'âkaro niíwi. Nií pe'tise mehâ íá no'oya marí'. Teé maatá pe'ti dihâse nií'.

**I'mîsepi niirí wi'i Ô'âkî hi wi'ikâhase, tohô
niiká a'ti nukúkâpi niirí wi'ikâhase nî'**

9 Ni'kâroakâ maa a'tîro niigiti. Ô'âkî hi neê waro “Masá me'ra âyuró weegíti” niika terore kîîre sêrí, êho peórâ wee wiá dutise nohore kûúki niíwî. Naâ sêrí, êho peóri wi'i a'ti nukúkâkâha wi'i niikaro niíwî. ²Tíí wi'i wa'îkîrâ kaseri me'ra weéka wi'i niikaro niíwî. Neê sâháari tûku Áyurí Tûku wamêtikaro niíwî. Toopíre sî'óo'kîhi nu'kúkaro niíwî. Tohô niiká naâ Ô'âkî hire o'ôrá pauré peoró nu'kúkaro niíwî. ³Íse bitíri kaseroho yi'rîropi ape tûkú Ô'âkî hi Nîi butia'ri Tûku niikaro niíwî. ⁴Tii tûkúpi i'mî tihise í há moro peo wiaro ouro me'ra weé'karo niikaro niíwî. Tohô niiká Ô'âkî hi “Masá me'ra âyuró weegíti” ni'kere kiorí akaro, ouro kasero me'ra omá bi'aka akaro kúyákaro niíwî. Tii akáro po'peapi ni'kâri ouro me'ra weékari niikaro niíwî. Tiripí ba'asé maná wamêtise sâyákaro niíwî. Apêye kêra Arão yagi tuakihí niikagi yásá wihiki niikaro niíwî. Tohô niiká Ô'âkî hi dutí'kere ohâ'ke pihiri í tá pihiri sâyákaro niíwî. ⁵Tii akáro bu'ipire Ô'âkî hire werê ko'terá i'mî sekâhará yeé'kârâ nu'kúkârâ niíwâ. Naâ toopí nîi yuuká, Ô'âkî hi toopí niisére í'yó no'okaro niíwî. Ô'âkî hire werê ko'terá wiisé dokapi sacerdotéa wiôgi Ô'âkî hire masaré yâ'áro weé'kere akobohó dutigi díí wehêste peoki niíwî. Ni'kâroakâre nîi pe'tise tíí wi'ikâhasere werê nemo masitisa'!

⁶Ô'âkî hi wi'ire apóka be'ro sacerdotéa naâ da'ra wiásere weerâ, nîi mî'tari tûkupire sâhá nu'kuká'kârâ niíwâ. ⁷Ape tûkú pe'ere sacerdotéa wiôgi waro di'akî ni'kâtita, ni'ká kí'mare sâháaki niíwî. Toopí sâháagi, wa'îkîrâ wêhé'kârâ yee díire mii sâháaki niíwî. Kîî basi yâ'áro weé'ke wapa, tohô niiká masá naâ yâ'áro weé'ke wapare akobohóse sêrígi tohô weéki niíwî. ⁸Tohô weé'ke me'ra a'tóka terore Espírito Santo a'tîro maríre í'yomí. Too dipóropi sacerdotéa Ô'âkî hi wi'ipi wee wiáse noho ni'kâroakâre weé nu'kuká maa, marí i'mîsepíre neê sâháa masiti boosa'. ⁹A'té nîi pe'tise too dipórokâhasere a'tóka terore a'tîro masí no'o'. Tiítapire Ô'âkî hire o'osé, naâ wa'îkîrâre í há moro peose masaré bu'fri marirá tí'ó yâ'aká wee masítikaro niíwî. ¹⁰Teé naâ weeséti'ke a'tîro niikaro niíwî. Sî'risé, ba'asé, tohô niiká naâ Ô'âkî hire sêriátoho díporo naâ yâ'áro weé'kere koesétise niikaro niíwî. Teé dutisé bu'ikâhase dí'akî niikaro niíwî. Tohô weesé teé Ô'âkî hi teeré díka yuúka be'ropi áyúkaro niíwî.

¹¹Ô'âkî hi besé'ki Cristo a'tí tohaki niíwî. Ni'kâroakâre kîî pe'e sacerdotéa wiôgi waro niími. Kîî maríre áyusére miítiki niíwî. Ni'kâroakâre kîî sacerdotéa wiôgi wee wiáse nohore Ô'âkî hi wi'i i'mîsepi niirí wi'ipi weégi weesamí. I'mîsepi niirí wi'i, a'ti nukúkâkâha wi'i nemoró, áyú butia'ri wi'i níisa'. Masá weéka wi'i meheta níisa'. ¹²Ô'âkî hi besé'ki Cristo i'mîsekâha wi'i Ô'âkî hi Nîi butia'ri Tûku waropire sâháaki niíwî. Kîî wa'îkîrâ, cabrakâ, wekî wi'mará yee díire mii sâhátiki niíwî. Tohô weeró noho o'ôgi, kîi yeé díí me'ra, kîi wêrisé me'ra sâháaki niíwî. Teé me'ra marí nîi pe'tirâre ni'kâti me'rata wêrí basaki niíwî. Maríre katí nu'ku dutigi tohô weéki niíwî. ¹³Diporókâharâpi naâ wêrí'kârâre da'ra yâ'aka be'ro Ô'âkî hi í'yóropire yâ'asé kiorá weeró noho tohákârâ niíwâ. Tohô weerâ wekiá imia yeé díire, cabra yee díire, tohô niiká wekí wi'magó í há no'o'ko yee nití me'ra yâ'asé kiorá weeró noho niirâre wehêste peokârâ niíwâ. Naâre Ô'âkî hi í'yóropire yâ'asé moorá toha dutírá tohô weékârâ niíwâ. Diakí híta nîi, níiro pe'ea'. Naâ, bu'ípi di'akî áyurá tohákârâ niíwâ.

¹⁴Weki yeé díí me'ra, cabra yee díí me'ra tohó weetá basiókã maa, Cristo yee díí me'ra maa tâhá! Cristo Espírito Santo nií nu'kugi wee tamúse me'ra wa'íkírã ĩ há moro peoro noho o'ôgi, kíí basi Ô'ákĩ hire wiági, wérĩki nííwĩ. Kĩí kúrúsapĩ wérĩgi, yã'asé moogĩ níiki nííwĩ. Kĩí yeé díí me'ra marĩ bu'fritirã, yã'áro weeséti tí'ó yã'a'kere pekã me'epi wa'á boo'kãrãre y'i'ri wetĩkã weéki nííwĩ. Kĩí Ô'ákĩ hi katĩ nu'kugi yeere weé nu'ku dutigi tohó weéki nííwĩ.

¹⁵Tohó weégi Jesu Cristo a'tĩro weegĩ níimi. Be'ropĩre masaré opáturi Ô'ákĩ hi “Yi'ĩ misã wiôgi níigiti. Misã, yarã níĩrãsa!” ní'kere apo basági níimi. Too diporókãharã pe'e Ô'ákĩ hi níí mi'tase kíí dutĩ'ke doka níĩrã, yã'áro weé, kíí dutĩ'kere y'i'ri ní'kakãrã nííwã. Jesu Cristo wérisé me'ra teeré akobohó no'okãrã nííwã. Tohó níikã Ô'ákĩ hi besé'kãrã kíí “O'ôgiti” ní'ke katĩ nu'kusere yê'êrãsama. ¹⁶A'tĩro weeró noho níí. Ní'kĩ kíí wériátoto diporo kíí akawerégire “Yi'ĩ kiosé mi'i yeé toharósa”, níisami. Kĩí wérĩkã ĩ'yãrã, wérĩki yee ní'kere kíí re o'ôsama. ¹⁷Kĩí wériátoto diporo kíí “O'ôgiti” ní'kere yê'ê masitisami. Kĩí wérĩka be'ropi dí'akĩ yê'ê masisami. ¹⁸Tohó weéro Ô'ákĩ hi “Masaré a'tĩro weegiti” níí mi'ta'ke kê'rare tohóta wa'ãkaro nííwĩ. Wa'íkĩrãre wêhé, naa yeé díí wehêstese me'ra dí'akĩ Ô'ákĩ hi “Tohó weegiti” ní'ke wa'á ní'kakaro nííwĩ. ¹⁹Moisé a'tĩro weéki nííwĩ. Kĩí níí pe'tise Ô'ákĩ hi dutĩ'kere níí pe'tirã tí'ôropi bu'êki nííwĩ. Bu'ê toha ní'ko, kíí sô'arĩ kasero ovelha poari me'ra weéka kaserore miiki nííwĩ. Tohó níikã yukĩ siti hissope wamêtiri sitire pe'êki nííwĩ. Wekĩ maki wêhé no'o'ki yee díĩre, cabra yee díĩre akó me'ra moréki nííwĩ. Be'ró sô'arĩ kaserore tii sitĩ dipipi dí'té o'ó, teé díipi yoso miiki nííwĩ. Be'ró Ô'ákĩ hi yee dutĩ'ke ohãka pũrire, tohó níikã masã níí pe'tirãre wehêste peoki nííwĩ. ²⁰Kĩí tohó weéka be'ro naãre níiki nííwĩ: “Até díí me'ra Ô'ákĩ hi masaré ‘Tohó weegiti’ ní'kere masĩ no'o'”, níiki nííwĩ. ²¹Apêyere, Moisé Ô'ákĩ hi wi'ire a'tĩro weéki nííwĩ. Níí pe'tise tíí wi'i po'peapi Ô'ákĩ hire êho peórã naã kiosére díí me'ra wehêste peoki nííwĩ. ²²Tiĩtare Ô'ákĩ hi dutisé a'tĩro níĩkaro nííwĩ. Díí me'ra Ô'ákĩ hi wi'ipi níisere kíí ĩ'yóropi áyusé toha dutĩro wehêste peo no'okaro nííwĩ. Wehêste peoya marikã, Ô'ákĩ hi masã yã'áro weé'kere akobohótiki nííwĩ. Díí me'ra dí'akĩ Ô'ákĩ hi masã yã'áro weesere akobohó no'o'.

Jesu kíí wérisé me'ra masã yã'áro weé'kere y'i'rióse níí'

²³Diporókãhase Ô'ákĩ hi wi'ipi wee wiãse noho i'mĩ sekãhase weeró noho ĩ'yóro weékaro nííwĩ. Teeré Ô'ákĩ hi ĩ'yóropi áyusé toha dutĩrã a'tĩro weékarã nííwã. Wa'íkĩrãre wêhé, naa yeé díí me'ra wehêste peokãrã nííwã. Diporókãharã naã weé'ke nemoró i'mĩ sekãhase pe'e áyũ y'i'ri ní'ka! Tohó weéro wa'íkĩrãre ĩ há moro peo'ke nemoró, áyusé warore iã! Teé Jesu Cristo weérisé níí'. ²⁴A'ti nukúkãpire Jesu Cristo masã weéka wi'i Áyurĩ Tũku wamêtiri tũkupire sãháatiki nííwĩ. Tíí wi'i i'mĩ sekãha wi'i weeró noho ĩ'yóro weékaro nííwĩ. Kĩí i'mĩse waro pe'ere sãháaki nííwĩ. Ní'kãroakãre kíí Ô'ákĩ hi tiropi marĩre sêri basági weesami. ²⁵Too dipóropi sacerdotea wiôgi Judeu masi Ô'ákĩ hi Níí butia'ri Tũkupire ní'karétirita kí'mãri niki wa'íkĩrã yee díĩre mii sãháa mihaki nííwĩ. Teé díí, kíí yeé díí níĩtkaro nííwĩ. Cristo pũrikãre kíí yeé díí waro níĩkaro nííwĩ. Kĩí wérisé me'ra ní'kãtita i'mĩse Ô'ákĩ hi tiropi sãháaki nííwĩ. ²⁶Jesu Cristo sacerdotea wiôgi weeró noho weégi pũrikã, a'ti dí'ta dí'pókãtikãpita wérĩ ní'ka, a'tĩro níikã kê'rare wérĩ nu'kukã' boosami. Tohó weeró noho

o'ôgi, a'tôka tero a'ti imí koho pe'tí wā'kari kurare Cristo a'ti nukúkāpire bahuáki niŵi. Kīf ni'kātita nī pe'tirā yee nīatehere wērī basaki niŵi. Yā'áro weé'kere kō'ági, tohō weéki niŵi. ²⁷Marí kē'ra nī pe'tirā ni'kāti me'rata wērī diharāsa'. Wērīka be'ro Ô'ākī hi marīre besegísami. ²⁸Cristo ni'kātita kīf wērisé me'ra wa'íkīrāre wēhé ī hā moro peoro weero noho weéki niŵi. Tohō weesé me'ra masá nī pe'tirā yā'áro weé'kere kō'ági niŵi. Be'ró opāturi a'tígisami. Masá naā yā'áro weé'kere kō'ági meheta a'tígisami. Masá kīf re yuú kuerā pe'ere yī'riógi a'tígi weegísami.

10 Moisé dutisé Ô'ākī hi masaré be'ropí āyuró weeátehere ī'yóro weékaró niŵi. Tohō weéro Moisé dutí'ke masaré Ô'ākī hi me'ra āyuró nī masikā weetíkaro niŵi. Teé a'tíro nīkaro niŵi. Naā Ô'ākī hi me'ra āyuró nī sī'rírā, ni'kāti ki'māri niki wa'íkīrāre wēhé ī hā moro peokārā niŵā. Teé naāre Ô'ākī hi ī'yóropi āyurá tohaká wee masítikaro niŵi. ²Teé masaré āyurá tohaká wee masiká maa, naā wa'íkīrāre ī hā moro peosere du'úkā' boopā. Naā ni'kāti ī hā moro peose me'rata naā yā'áro weé'kere akobohó no'o'kārāpi tohá toha boopā. Naā bu'írī marirá tí'ó yā'a boopā. ³A'tíro pe'e nīkaro niŵi. Naā wa'íkīrāre wēhé ī hā moro peorā, naā yā'áro weé'kere ki'māri niki wākūrā, tohō weékārā niŵā. ⁴Wekiá imia yeé dí, cabra yee dí yā'áro weé'kere neé kō'á masítisa'.

⁵Tohō weégi Jesu Cristo a'ti nukúkāpire a'tígi, Ô'ākī hire a'tíro níki niŵi:

Mi'f masá yā'áro weé'kere akobohó sī'rigi, wa'íkīrāre wēhé ī hā moro peosere íá wee'. Tohō niiká naāre akobohó sī'rigi, apēye noho o'oká íá wee'. A'tíro weégi, mi'f ni'ká ipi yī'f re o'óki niŵi. Masá yā'áro weé'kere wērī basa dutigi tohō weéki niŵi.

⁶ Mi'f masá naā yā'áro weesére kō'á sī'rigi, wa'íkīrāre ī hā moro peosere, tohō niiká apēye noho o'osére tí'sá wee'.

⁷ Tohō tí'sátise bu'iri yī'f a'tíro niŵi: “Ô'ākī hi, mi'f iaró weégi a'tígi weé'. Mi'f yeé kiti ohāka pūripi yī'f pi'etiátehere ohá no'o'karo nohota weegíti”, níki niŵi Jesu Cristo.

⁸Tohō weégi Jesu Cristo ní'karo nohota a'tíro ní'. Ô'ākī hi wa'íkīrā ī hā moro peosere, kīf re apēye noho o'osére tí'sátisami. Tohō niiká masá yā'áro weé'kere kō'á sī'rírā ī hā moro peosere iatísami. Nī pe'tise teé tohō weesé Moisé dutí'karo noho nīkaro niŵi. Tohō nímikā, Ô'ākī hi pe'e tohō weesére tí'sátiki niŵi. ⁹Jesu Cristo Ô'ākī hire “Mi'f iaró weégi a'tígi weé'”, níki niŵi. Tohō nígi, wa'íkīrā wēhé ī hā moro peosere kō'ági niŵi. Kīf wērisé me'ra too dípóropi naā weeséti'kere dika yuúki niŵi. ¹⁰Jesu Cristo kīf wērisé me'ra Ô'ākī hi iaró weéki niŵi. Teeré weégi, kīf wa'íkīrā wēhé ī hā moro peosere weero noho weégi weéki niŵi. Kīf wērisé me'ra Ô'ākī hi marīre kīf yarā tohaká weéki niŵi. Ni'kātita kīf wērisé me'ra marí nī pe'tirāre wērī basaki niŵi.

¹¹Nī pe'tirā Judeu masa sacerdotéa imí kohori niki a'tíro weékārā niŵā. Nu'ku tíhārā, wa'íkīrāre wēhé ī hā moro peo míhakārā niŵā. Naā ī hā moro peo nu'kumikā, masá yā'áro weé'kere neé kō'á masítikaro niŵi.

¹²Jesu Cristo pūrikā ni'kāti kīf wērisé me'rata masá yā'áro weé'kere kō'á pe'oki niŵi. Kīf tohō weéka be'ro Ô'ākī hi tiro diaki hí pe'e ehá nuhaki niŵi. ¹³Toopí yuú kuegi weesamí. Ô'ākī hi nī pe'tirā kīf re ī'yā tu'ti'kārāre dokā ke'akā weéka be'ropi weé du'ugísami. ¹⁴Ni'kāti kīf wērisé me'rata Ô'ākī hi yarāre āyurá tohaká weéki niŵi. Naā āyurá

niî nu'kurāsama. ¹⁵Teé diakî híta niî yuukā, Espírito Santo kê'ra maríre “Tohóta niî”, niî werêmi. Kîî a'tíro werê mi'taki niîwî:

¹⁶ “Be'ropí yî'î naâ me'ra ‘Opâturi äyuró weegíti’ niî'ke a'tíro niî”, niîki niîwî Ô'âkî hi.

“Yî'î dutí'kere naâre wākuká weegíti. Tohó niiká naâre yî'î dutí'kere êho peókā weegíti.”

¹⁷Be'ró a'tíro niî nemoki niîwî:

“Neê opâturi naâ yā'áro weé'kere wākû nemosome”, niîki niîwî, niî werêki niîwî Espírito Santo.

¹⁸Tohó weérā marí yā'áro weé'kere akobohó no'oka be'ro niî yuukā, opâturi marí yā'áro weé'ke bu'irire akobohó dutirá wa'íkîrāre î hâ moro peosere ia nemó wee'.

Jesu Cristo yee diî me'ra Ô'âkî hi tiro sâháa masi' niisé niî'

(Mt 27.51; Mc 15.38; Lc 23.45)

¹⁹Too dipóro sacerdotea wiógi di'akî Ô'âkî hi Niî butia'ri Tükupire sâháa masiki niîwî. Ni'kâroakāre marí kê'ra akobohó no'o'kārāpi niîrā, uiró mariró kîî sâháa'karo noho wee masi'. Ô'âkî hipire diakî hí uiró mariró sêri masi'. Jesu Cristo kîî wêrî'ke me'ra, kîî yee diî a'mā biro'ke me'ra tohó wee masi'. ²⁰Too dipóropi îse bitíri kaseroho Ô'âkî hi Niî butia'ri Tükupire ka'mú ta'a yosakaro niîwî. Tii kaséro ka'mú ta'a'karo weeró noho Jesu Cristo wêriátoho diporo masá Ô'âkî hi Niî butia'ri Tükupire sâháa masitikārā niîwā. Ni'kâroakāre kîî wêrisé me'ra marí tii tükúpire sâháa'kārā weeró noho kîî me'ra katí nu'ku masi'. ²¹Jesu Cristo sacerdotea wiógi waro i'mîsepi Ô'âkî hi wi'ipi maríre sêri basági niîmi. ²²Tohó weérā Ô'âkî hire keoró wākusé, äyuró êho peóse me'ra sêrirá. “Tohó êho peó ma'akārā weésa” niiró mariró sêrirá. A'tíro niî'. Kîî marí yā'áro bu'iritirá tí'ó yā'a'kere bu'iri marirā tohaká weéki niîwî. Mari yaá îpi akó äyusé me'ra i'ó no'o'karo weeró noho niî'. Marí yā'áro weé'kere kō'â pe'o no'o'kārāpi niî'. ²³Ô'âkî hi “Tohó weegíti” niî'kere weegísami. Tohó weérā marí êho peósetisere êho peóro nohota neê dika yuúro mariró êho peó nu'kurā. Kîî o'oátehere e'katíse me'ra yuú kuerā, tohó weérā. ²⁴Marí basi a'tíro wākuró íá. “Á'raré, âpêrāre wee tamú turia dutígi, de'ró weegísari?” niî wākuró íá. “Naāre a'mêri ma'í dutígi, äyuró wee dutí sî'rigi tohó ia sáá”, niiró íá. ²⁵Ô'âkî hire êho peórā neré wiaropi âpêrā nerétisama. Naā weesére siru tuútikā'ro íá. Naāre siru tuúro noho o'ôrā, marí nerêrā, a'mêri wākú tutuakā weeró íá. Kā'ró di'sá' marí wiógi a'tiátotoho. Tohó weérā tohó weeró íá.

²⁶A'tíro niî'. Diakî hí kâhasere masímirā, marí yā'áro weé sî'riro bahuró yā'áro weé nu'kurā, akobohóse bokasomé. Jesu Cristo wêrisé me'ra di'akî akobohó no'o'. Marí yā'áro weé nu'kurā, kîî re íatírá weeró noho niî'. Tohó weérā neê akobohó no'osome. ²⁷Marí yā'áro weé nu'kukā, maríre a'tíro wa'árosa'. Ô'âkî hi maríre besegísami. Kîî beséka be'ro pekā me'epi âpêrā kîî re í'yā tu'ti'kārā me'ra kō'ágisami. Maríre “Bu'iri da'rêgiti” kîî niî'ke tuu níríse di'akî tohá. ²⁸Too dipóropire no'ó Moisé dutí'kere yî'rí ni'kagire piárā ou i'tiárā weré sāaka be'ro kîî re neê pahā yā'atikārā niîwā. Kîî re wêhé kō'akārā niîwā. ²⁹Äyuró wākúya. Ô'âkî hi dutí'ke kîî Moisére kûú'kere yî'rí ni'kagi, bu'iri da'rê no'oki niîwî. Ni'kâroakā maa Ô'âkî hi maki kîî re wêrî basa'kere êho peó du'ugire tãhásami. Êho peótigi noho Ô'âkî hi maki kîî re wêrî basa'kere “Wapa marí”, niî wākúsami. Espírito

Santo kîre ma'isere yabîsami. A'tîro niî'. Jesu Cristo wêrisé me'ra Ô'âkî hi masaré kîi "Weegiti" niî'kere keoró wa'aká weéki niîwî. Kîi wêrisé me'ra, kîi yeé diî me'ra marí yâ'aro weé'kere kô'âki niîwî. Tohô weégi Ô'âkî hi kîi makiré iatîgîre ipítî bu'îri da'rêgisami. ³⁰ Ô'âkî hi marí wiôgi uúku'kere masí'. A'tîro niîki niîwî: "Yîfî bu'îri da'reákîhi niî'. Naâ weé'ke wapare yîfî wapa yeégisa." Apéye kê'rare niîki niîwî: "Marí wiôgi kîi yarâre naâ yâ'aro weesé wapare bu'îri da'rêgisami." ³¹ Ô'âkî hi katî nu'kugi niîmi. Kîi bu'îri da'resé pûuro wiosé niî'.

³² Misâ neê waro êho peôka be'ro weé'kere wâkûya. Tiîtare misâ Jesu Cristore êho peóse bu'îri pûuro pi'etîkârâ niîwî. Misâre tohô wa'â'kere wâkû tutuakârâ niîwî. ³³ Ni'karérâ masá î'yóropi yabî buhíkâ' no'okârâ niîwî. Kamí da're no'okârâ niîwî. Apé terore âpêrâ naâ pi'etîsere ti'ó yâ'a tamukârâ niîwî. ³⁴ Misâ bu'îri da'reri wî'ipi niîrâre pahá yâ'akârâ niîwî. Âpêrâ misa yeére e'maká, e'katíse me'ra ni'kâkârâ niîwî. Misâ i'mîsepi kioátehe pe'ere "A'ti nukúkâkâhase nemoró, âyú yî'ri ni'kase niî'", niîkârâ niîwî. Teé pe'titiátehe niî' niîrâ, wâkû tutuakârâ niîwî. ³⁵ Tohô weérâ neê êho peó du'utikâ'ya. Êho peó nu'kurâ, âyusé warore yê'êrâsa'. ³⁶ Misâre wâkû tutuarâ niîró íá'. Tohô weérâ, Ô'âkî hi iaró weéka be'ro kîi "O'ôgiti" niî'kere misâ yê'êrâsa'. ³⁷ Ô'âkî hi yee kiti ohâka pûripi a'tîro niî ohâ no'okaro niîwî:

"Maatá a'tîgiti" niî'ki a'tîgisami. Neê yogosomé.

³⁸ Yîfî "Âyuró weerâ niîma" niî no'orâ pûrikâ êho peó nu'kurâ, yîfî me'ra niî nu'kurâsama. Âpêrâ uîrâ, êho peó du'urâ pûrikâre neê ti'sásome, niî ohâ no'okaro niîwî.

³⁹ Marí pe'e uî êho peó du'urâ noho niî wee'. Tohô weérâ marí pekâ me'epi wa'âsome. Marí kîi re êho peorâ, yî'rió no'orâsa'.

Ô'âkî hire êho peósekâhase niî'

11 Marí êho peorâ, a'tîro niî masí': "Ô'âkî hi maríre niî'kere diakî hîta weegísami", niî'. Teeré î'yâtîmirâ, î'yârâ weeró noho "Diakî hîta niî'", niî'. ² Diporópi marí yêki simiá Ô'âkî hire êho peókârâ niîwâ. Naâ a'tîro niî wâkûkârâ niîwâ: "Ô'âkî hi niî'karo nohota maríre wee tamúgisami", niîkârâ niîwâ. Tohô weégi Ô'âkî hi naâre "Âyurâ niîma", niîki niîwî.

³ Marí Ô'âkî hire êho peorâ, a'tîro masí'. Kîi a'ti imí koho niî pe'tisere bahúrê'gi, kîi dutiró me'ra bahúrê'ki niîwî. Tohô weéro a'ti imí kohokâhase marí ni'kâroakâ î'yasé neê waropi marí'kere weé'ke niî', niî no'ó'.

⁴ Diporóki hipi Abel Ô'âkî hire êho peógi, Ô'âkî hire ovelha wî'magíre wêhé î há moro peoki niîwî. Kîi, kîi ma'mi Caí o'd'ke nemoró âyuró o'dki niîwî. Ô'âkî hi Abel êho peóseré î'yâgi, kîi o'osére yê'êki niîwî. Kîi re "Âyugí niîmi", niîki niîwî. Tohô weéro Abel diporópi wêrika be'ro niîmikâ, a'tîro niî'. Kîi Ô'âkî hire êho peó'ke a'tóka terore maríre bu'esé niî'. Marí kê'ra kîi êho peó'karo nohota Ô'âkî hire êho peóro íá'.

⁵ Enoque wamêtigi kê'ra Ô'âkî hire êho peógi niîki niîwî. Kîi wêrtîmikâ, Ô'âkî hi kîi re kîi tiropi miáaki niîwî. Âpêrâ kîi re a'mâkârâ niîmiwâ. Neê bokatîkârâ niîwâ. Ô'âkî hi yee kiti ohâka pûripi a'tîro ohâ no'okaro niîwî: "Ô'âkî hi Enoquere e'katíse me'ra î'yâki niîwî. Tohô weégi kîi re miáaki niîwî", niîwî. ⁶ Marí Ô'âkî hire êho peótirâ, kîi re e'katîkâ wee masítisa'. A'tîro niî'. Ô'âkî hire êho peó sí'rigi, "Diakî hîta kîi niîsami", niîró íá'. Tohô niîkâ "Kîi re yîfî êho peókâ, âyuró weegísami", niîró íá'.

⁷Noé wamêtimi kē'ra Ô'âkî hire êho peógi, a'tîro weéki niîwî. A'ti nukúkãre bu'îri da'reátehere Ô'âkî hi kîîre werêki niîwî. Noé “Tohó wa'ârosa” niî masitimigi, Ô'âkî hire êho peóki niîwî. Tohó weégi Ô'âkî hire yî'tígi, kîî akawerérã me'ra diã miriká yî'rî sî'rigi, yukî si pahiphîre da'rêki niîwî. Tohó êho peógi, a'ti nukúkãkãharã Ô'âkî hi uúküsere êho peótirãre a'tîro î'yóki niîwî. Naã pekã me'epi wa'aátehere î'yóki niîwî. Kîîre Ô'âkî hi “Áyugi ními”, niîki niîwî. Kîî êho peó yuukã, tohó niîki niîwî.

⁸Abraão kē'ra Ô'âkî hire êho peógi, a'tîro weéki niîwî. Ô'âkî hi kîîre apé di'tapi wa'ã dutikã, yî'tfki niîwî. Ô'âkî hi kîîre o'oátohopi wa'ãki niîwî. Kîî yaá makare wihã wã'kagi, “Tíi di'tapi wa'ágisa” niiró mariró wa'ãki niîwî. ⁹Ô'âkî hi kîîre “Tíi di'tare mi'îre o'ôgiti” niî'kere êho peóki niîwî. Tíi di'tapire etãki niîwî. Etã, kîî apé di'tapire nígi, mehêkã peharo tí'ó yã'aki niîwî. Wa'îkîrã kaseri me'ra weéka wi'ipi kãhiki niîwî. Kîî makî Isaque, tohó niikã kîî paramî Jacó meharóta niî siru tuukãrã niîwã. Ô'âkî hi naã kē'rare “Misãre a'ti di'tare o'ôgiti”, niîki niîwî. ¹⁰Abraão Ô'âkî hi yaa maka pe'titiãtihi maka i'mîse pe'ere niî sî'rigi, tohó wee kusiãki niîwî. Tii makã Ô'âkî hi weéka maka niî'.

¹¹Apêgo kē'ra Ô'âkî hire êho peógo, Abraão nimo Sara a'tîro weé no'oko niîwô. Koô bikíó waro pō'rã bokatã basiótimikã, Ô'âkî hi koôre pō'ratíkã weéki niîwî. Koô ni'kî pō'ratíko niîwô. Koô a'tîro wãkũko niîwô: “Ô'âkî hi yî'îre ‘Wi'magi wiãgosa’ niî'kere keoró weegísami”, niîko niîwô. Tohó weégi Ô'âkî hi keoró weéki niîwî. ¹²Abraão biki waró niîmigi, makî tiki niîwî. Makî ti, be'ró pãharã waro paramérã niî turiarã kióki niîwî. Naã yôkoá, nukúpori weeró noho pãharã waro ba'pã keota basiótirã niîkãrã niîwã.

¹³A'rã yî'î uúkürã Ô'âkî hire êho peó nu'kukãrã niîwã. Kîî “O'ôgiti” niîka di'tare yê'etimirã, êho peókãrã niîwã. Yê'etimirã, wérã wa'ãkãrã niîwã. Naã êho peóse kiórã, kîî o'oátehere yê'ê'kãrã weeró noho niîkãrã niîwã. “Kîî niî'karo nohota weegísami” niî wãkürã, e'katíkãrã niîwã. Naã tohó weé'ke me'ra “I'mîsepi wa'ãrãsa”, a'ti nukúkãpire siharí masa weeró noho niî”, niîkãrã niîwã. ¹⁴Tohó niîrã, apé di'ta naã niíãtihi di'ta warore a'mãrã weékãrã niîwã. ¹⁵Naã neê waro wihã wã'ka'karopire wãkürã püríkã, dahã boopã. ¹⁶A'tîro pe'e weékãrã niîwã. Tíi di'ta nemoró áyurí di'ta waro i'mîse pe'ere niî sî'rikãrã niîwã. Tohó weégi Ô'âkî hi naã “îsã wiôgi ními” niikã, bopôya sãatiki niîwî. Tohó bopôya sãatigi, naa yaá maka naã niíãtoho i'mîsere apo yuú tohaki niîwî.

¹⁷Abraão Ô'âkî hire êho peógi, a'tîro weéki niîwî. Ô'âkî hi diakî híta yî'îre êho peómítî? nígi, kîî makî Isaquere wa'îkîre wêhé î há moro peo wiaro noho wee dutíki niîwî. Abraão kîî makî ni'kî niigíre “Wêhé î há moro peo wee”, niítiki niîwî. ¹⁸Too dipóropire Ô'âkî hi Abraõore a'tîro niîki niîwî: “Isaque mi'î makî me'ra pãharã paramérã niî turiarã kiogísã”, niîki niîwî. ¹⁹Abraão a'tîro wãkúki niîwî: “Ô'âkî hi niî pe'tirã wêrî'kãrãpireta maso masími.” Kîî makiré “Wêhegítî” weerí kura Ô'âkî hi kîîre “Wêhetíkã'ya”, niîki niîwî. Tohó weérã a'tîro niî masí: “Abraão kîî makiré wêrî'kipi masá'kire weeró noho kióki niîwî”, niî masí'.

²⁰Isaque Ô'âkî hire êho peógi, kîî pō'rã Jacoré, Esaure be'ropí áyuró wa'aátehere weré yuuki niîwî. ²¹Jacó Ô'âkî hire êho peógi, kîî wériãtoho diporoakã kîî paramérã José pō'ra nikire “Áyuró wa'ârosa”, niîki niîwî. Tohó uúkúgi, kîî tuakihí me'ra yã tuú nu'kugita, Ô'âkî hire sêríki niîwî. ²²José Ô'âkî hire êho peógi niîki niîwî. Kîî wêrîgi, a'tîro weré yuuki niîwî:

“Israel kurakāharā Egito niŋ'kārā be'ropí wiháarāsama. Naâ wa'ārā, yee ò'arire miáato”, niŋki niŋwī.

²³ Moisé paki simiá Ô'ákí hire ēho peókārā niŋwā. Naâ makí bahuáka be'ro “Áyugí niŋmi”, niŋkārā niŋwā. Naâ i'tiá muhipú kíŋre niókārā niŋwā. Kíŋ bahuaátoho díporo Egitokāharā wiógi wi'mará imiaré Israel kurakāharāre wēhe dutíki niŋwī. Moisé paki simiá pe'e wiógi dutisére úti tihará, naâ makiré niókārā niŋwā. ²⁴ Be'ró Egitokāharā wiógi mako kíŋre masóko niŋwō. Moisé bikí ēhági, Ô'ákí hire ēho peóki niŋwī. Tohō weégi kíŋ “Egitokāharā wiógi paramí niŋmi” niisére ti'ó s'i'ritiki niŋwī. ²⁵ A'tíro pe'e weé s'i'riki niŋwī. Ô'ákí hi yarā Israel kurakāharā me'ra pe'e pi'etí tamu s'i'riki niŋwī. Ô'ákí hire ēho peótigi weeró noho Egitokāharā wiógi yaa wi'ipi tohá s'i'ritiki niŋwī. Naâ yā'áro weesére bu'í peha tamu s'i'ritiki niŋwī. ²⁶ Naâ kíŋre yabiká, kíŋ Cristo Ô'ákí hi besé'ki pi'etiáthe weeró noho pi'etíki niŋwī. Tohō pi'etígi, “Niŋ pe'tise Egitopi niisére kioró nemoró áyú niŋ”, niŋki niŋwī. Ô'ákí hi kíŋre be'ropí o'oáthehe wākúgi, tohō niŋki niŋwī. ²⁷ Ého peóse kíógi, Moisé Egitopi niŋ'ki wiháaki niŋwī. Kíŋ Egitoki hi wiógi uasére uiró mariró wiháaki niŋwī. Moisé Ô'ákí hi bahutígiŋre i'lyági weeró noho kíŋ “Weegíti” niisére dika yuúro mariró weé nu'kuki niŋwī.

²⁸ Ého peóse kíógi, Moisé Egitopi wihá wá'kagi, Páscoa wamétiri bosé nímire weé wá'koki niŋwī. A'tíro niŋ! Ô'ákí hi kíŋre weré ko'tegi i'míseki hire niŋ pe'tirá Egitokāharā imiá masá ma'mi simiare wēhe dutíki niŋwī. Tohō weégi Moisé a'tíro weéki niŋwī. Ô'ákí hi dutí'karo nohota Israel kurakāharāre wee dutíki niŋwī. Naâ pō'rā masá ma'mi simiare wēhetík'á'ato niŋgi ovelha wi'maráre wēhe dutí, naa yee díŋ me'ra sopé sumútoho wá'yasé pihiripi wa'rê dutíki niŋwī. Tohō weégi Ô'ákí hire weré ko'tegi díŋre i'lyági, wēhetíki niŋwī. ²⁹ Ô'ákí hire ēho peó tihará, Israel kurakāharā diá pahiri maa, sō'arí maahore pé'ákārā niŋwā. Tii maäre pé'ārā, di'tá akó mariró pé'ákārā niŋwā. Egitokāharā naâ siro pé'á s'i'rimirā, mirí wērí pe'tia wa'ákārā niŋwā.

³⁰ Apéye kē'rare Israel kurakāharā Jericó wamétiri maka sumútohoŋre sete nímiri sitiá sihakārā niŋwā. Naâ Ô'ákí hire ēho peó yuuká tii maká sumútoho káha sã'riro i'tá me'ra weéka sã'riroho birí dihakaro niŋwī.

³¹ Tohō niiká tii makákóho Raabe wamétigo imiá me'ra a'me tārā wapá ta'ago ēho peóse kíógo niŋko niŋwō. Koô Israel kurakāharā i'lyá du'tirāre áyuró nióko niŋwō. Tohō weégo ápêrā tii makákāharā Ô'ákí hire yi'ri ni'ka'kārā me'ra wērítiko niŋwō.

³² Yē'eré niŋ nemogisari yi'i? Niŋ pe'tirá yee kitire werêta basió wee'. Gideão weé'kere, Baraque weé'kere, Sansão weé'kere, Jefeé weé'kere, Davi weé'kere, Samuel weé'kere, tohō niiká ápêrā Ô'ákí hi yee kiti weré mi'tarā weé'kere weré pe'otisa'. ³³ Naâ Ô'ákí hire ēho peórā ápêrā yee di'takāharā me'ra a'mê wēherá, naäre doká ke'aká weékārā niŋwā. Wiórā niirá noho masaré keoró dutíkārā niŋwā. Tohō weégi Ô'ákí hi kíŋ “Áyuró weegíti” niŋ'kere naäre áyuró weéki niŋwī. Yaíwa niirópi bi'a dípómiká, naäre ba'átikārā niŋwā. ³⁴ Masaré bu'ri da'rêrā, asipó i' hã wiaropi sōróoká kē'rare, neé i' hî tikārā niŋwā. Ápêrā naäre di'píhí me'ra wēhé s'i'riká, yi'ri wetíká'kārā niŋwā. Tutuátimi'kārā, tutuará wa'ákārā niŋwā. Apé di'takāharā me'ra a'mê wēherá naäre doká ke'aká weerā, nemoró tutuá yi'riarā wa'ákārā niŋwā. Naäre i'lyá tu'tirāre doká ke'aká weékārā niŋwā. ³⁵ Ni'karérā numia naâ akawerérare wēríka be'ro masó no'okārāpire wiá no'okārā niŋwā taha.

Āpêrā pe'e Ô'ākī hire êho peóse kiomírā, ipítī pi'etf̄kārā niŵā. Naâ pi'etise me'ra wêhé no'okārā niŵā. Naâ êho peó du'ukā, bu'iri da'reri wi'ipi niirāre du'u wiró boopā. Naâ pe'e i'mi sepi katī nu'kusere kió si'ririā, êho peó du'utikārā niŵā. ³⁶Āpêrā kē'ra Ô'ākī hire êho peórā yabi buhíkā' no'okārā niŵā. Naâ wekī kasero me'ra weé'ke daari me'ra tārā no'okārā niŵā. Āpêrā kome daári me'ra di'té no'okārā niŵā. Āpêrā bu'iri da'reri wi'ipi dipó no'okārā niŵā. ³⁷Āpêrā i'tā peeri me'ra doke wêhé no'okārā niŵā. Āpêrā naâ ipí dekó me'ra yehé sure no'okārā niŵā. Āpêrā di'píhi me'ra dité wêhe no'okārā niŵā. Āpêrā su'ti moorā ovelha kaseri, cabra kaseri me'ra di'akī ka'mú ta'a'kārā, uí kusiakārā niŵā. Naâ pahasé kiorā, yā'áro weé no'okārā, kamī da're no'okārā niŵā. ³⁸Naâ masá marirópi, iripagípi, i'tā tutiripi, di'tā se'tê'ke t'iriripi niisé koperipi sihá baha ke'atikārā niŵā. Teeré tohó weé no'orā āyurā niŵā. Āpêrā pe'e yā'á y'i'riakārā niŵā. Neé kāró Ô'ākī hire êho peórā me'ra niŵā basiótikaro niŵi naâre. ³⁹Ô'ākī hi niŵ pe'tirā kī'ire êho peórāre "Āyurā niŵā", niŵ i'yāki niŵi. Êho peórā niŵirā, niŵ pe'tise kī' naâre "Āyuró weegíti" niŵ'ke pe'ere i'yātikārā niŵā. ⁴⁰Tiŵtare Ô'ākī hi naâre "Āyuró weegíti" niŵ'kere weetiki niŵi. A'tiro pe'e wākūki niŵi: "Be'rokāhārā yā'ire êho peórā me'ra ā'rā yarāre āyurā wa'akā weegíti", niŵki niŵi. Kī' wākū'karo nohota weemí. Tohó weéro kī' too dipóro weé'ke nemoró kī' ni'károakā Jesu Cristo masaré y'i'rióse pe'e āyú y'i'ri ni'ka'.

Jesuré i'yā siru tuu wee dutise niŵ'

12 Sô'ó niŵkārā yī' uúkū'kārā pāharā Ô'ākī hire êho peórā pi'etisere ni'kākārā niŵā. Tohó ni'kārā, naâ kī'ire êho peósere i'yókārā niŵā. Naâ weé'ke marīre i'yosé weeró noho niŵ'. Tohó weerā naâre wākūrā, Ô'ākī hi marīre kūū'kere wākū tutuase me'ra weeró iá'. Ni'kí omagí nikisé kī'ire kari boóse nohore miáatisami. Marí kē'ra kī' weeró noho weeró iá'. Marí niŵ pe'tise āyuró weé si'rikā, dohórēs'ense, marí yā'áro wee wiásere du'úkā'ro iá'. ²Jesuré wākū niriŵo iá'. Kī'ita marīre neé waró êho peókā weewí. Kī' marīre nemoró êho peó wā'kakā weemí. Kī' kurúsa bopôyaropi pi'etiki niŵi. Kī' tohó bopôyaro wērisere bopôyaro mariró wēriki niŵi. Kī' pi'etika be'ro ipítī e'katiáthehere wākūgi, tohó weéki niŵi. Masa miháaka be'ro kī' Ô'ākī hi duhirí kumuro diakī hí pe'e ehā nuhaki niŵi.

³Misā Jesu weé'kere wākūya. Yā'arā kī'ire pūuro pi'etikā weékārā niŵā. Tohó weerā misā kē'ra pi'etirā, kari butítirāta kī'ire êho peó nu'kukā'ya.

⁴Misā yā'áro weesére ka'mú ta'arā, neé ni'kí wērī yā'atimi yuhūpi.

⁵Ô'ākī hi misāre kī' pō'raré weeró noho weré kasa'kere wākū weeti? Kī' yeé kiti ohāka pūripi a'tiro niŵ':

"Yī' pō'ra, misāre āyuró wee dutígi bu'iri da'rê'.

Yī' tohó weesére mehó niisére weeró noho i'yātikā'ya.

Yī' misāre tu'tikā, wākū tutuaya.

⁶Yī' misā wiógi yī' ma'irāre misā yā'áro weekā, tu'tí'.

Niŵ pe'tirā yī' pō'rare āyuró wee dutígi bu'iri da'rê'!",

niŵki niŵi Ô'ākī hi, niŵ ohā no'okaro niŵi.

⁷Pi'etirā, Ô'ākī hi yeere du'utkā'ya. Ô'ākī hi misāre kī' pō'raré bu'iri da'rêgi weemí. Neé ni'kí pakí kī' makí yā'áro weesére bu'iri da'rêtikā weetísami. ⁸Ô'ākī hi niŵ pe'tirā kī' pō'rā yā'áro weesére bu'iri da'rêmi. Tohó weetikā, misā kī' pō'ra waró niŵi boosa'. Pakí marirā, tohó

boká'kārā weeró noho nií boosa! ⁹ Apêye kê'rare marí wi'mará niiká, marí paki simiá marí yá'áro weesére bu'iri da'rêkūwā. Naâ tohō weesére marí yi'tí êho peówi. Tohō weerá marí paki i'mîsepi niigi pe'e maa tâhârata yi'tiró íá! Tohō yi'tí êho peorâ, katí nu'kurâsa! ¹⁰ Marí paki simiá a'ti nukúkâpi niirâ marí yá'áro weesére bu'iri da'rêwā. Naâ bu'iri da'rê'ke marîre yoâtikâ niíwi. Naâ bu'iri da'rê sî'rîro noho marîre bu'iri da'rêwā. Ô'âkî hi pe'e marîre âyuró wa'â dutigi bu'iri da'rêmi. Marîre kîî weeró noho yâ'asé moorâ wa'â dutigi tohō weemí. ¹¹ Diakî híta nií! Ô'âkî hi marîre bu'iri da'rekâ, neê tî'sá wee! Marîre pûrî! Tohō niímikâ, marí kîî bu'iri da'resé me'ra âyuró weé! Be'ropîre marí ehêri pō'rariipi âyuró tí'ó yâ'asere bokarâsa! Âyuró kîî iaró noho keoró weé me'rikâ'râsa!

Ô'âkî hi uúkûsere yi'rî ni'katikâ'ya niisé nií'

¹² Misâ pi'etirâ, wâkû tutuaya. ¹³ Ô'âkî hi iaró, diakî hí niisére weeyá. Tohō weekâ, âpêrâ tutuâtirâ misâre i'yâ kûurâ keoró weerâ sama. Tutuâ nemorâsama. A'tîro wa'asé weeró noho nií! Tutuâtiri dî'pôkâ tutuarí dî'pôkâ wa'ârosa! Ka'bî diha nemosome.

¹⁴ Nií pe'tirâ me'ra kumûkâ mariró niisétiya. Neê yá'áro weesé mariró niíya. Yá'áro weerâ, marí wiôgire neê i'yâsome. ¹⁵ Misâ tí'o masíya. Apé tero misâ yá'áro weesé bu'iri Ô'âkî hi wee tamúsere iatirâ weeró noho wa'â boosa! Neê ni'kí Ô'âkî hi âyuró weesére iatigi noho mariáto. Tohō niiká misâ wâkusépi âpêrâre iosé, uasé, nií pe'tise âpêrâre yá'áro weesé wâ'kakâ weetikâ'ya. Siâpe me'ra tohō weesére ka'mú ta'atirâ, pâharâre dohoré! boosa! ¹⁶ Neê ni'kí kîî nimó niítigo me'ra yá'áro weetikâ'ato. Tohō niikâ Ô'âkî hi yeere mehô niisére weeró noho wâkûtikâ'ato. Esaú diporókî hipi marikâ mehô niisére weeró noho wâkûki niíwi. Kîî masá ma'mi niisére íhá boâgi, kîî âyusé yê'ê boo'kere ba'asé me'ra kîî akabihíre dika yuúki niíwi. Tohō weégi kîî yê'ê boo'kere bahuriókî niíwi. ¹⁷ Misâ masísa! Esaú kîî pakí "Mî'îre âyuró wa'aáto" niiká tí'ó sî'rîki niímiwi. Kîî pakí pe'e "Basió wee!, mî'î akabihíre o'ô tohapi!", niíki niíwi. Kîî tohō niiká tí'ôgi, pûuro utíki niíwi. Tohō utímikâ, kîî pakí kîî akabihíre o'ô'ke neê dika yuúta basiótikaro niíwi.

¹⁸ Misâ Ô'âkî hire êho peorâ diporókâharâ Israel kurakâharâ weeró noho weé wee! Naâ só'lo niíki írigí i'yâta basiókîhi, yê'ê yâ'ata basiókîhi pi'to wa'âkârâ niíwâ. Tigí ípíti í hí karo niíwi. Toopîre pûuro na'í tî'akaro niíwi. Bîpô paâ, wî'rô ípíti wêékaro niíwi. ¹⁹ Misâ tîtatâharâ weeró noho coroneta putikâ bisisére tí'ó wee! Ô'âkî hi uúkûse bahû yoaropi kê'rare tí'ó wee! Naâ pûrikâ kîî uúkûkâ tí'órâ, uisé me'ra "Toô kâ'rota uúkûato maha", niikârâ niíwâ. ²⁰ Naâ Ô'âkî hi dutí'kere ú yi'rîrâ, tohō niikârâ niíwâ. Kîî dutí'ke a'tîro niíkaro niíwi: "No'ó a'tígi írigípire i'ta kúúgi nohore í tâ peeri me'ra doke wêhéya. Tohō weetirâ, yóseri píhi me'ra wêhéya. No'ó wa'íkîrâ kê'rare meharóta weeyá", niíki niíwi Ô'âkî hi. ²¹ Tohō wa'â'ke wió yi'riakaro niíwi. Moisé basita a'tîro niíki niíwi: "Yi'î ú yi'rîgi nara sâasa", niíki niíwi.

²² Misâ pûrikâ diporókâharâ weeró noho nií wee! Misâ Jesu Cristore êho peó yuukâ, Ô'âkî hi misâre kîî tiropi wa'âta basiókâ weéki niíwi. Kîî re sêri masikâ weéki niíwi. Toopí Ô'âkî hi katí nu'kugi yaa maka, i'mîsepi niirí maka niísa! Tii maká Jerusalé wamêtiri maka niísa! Opâ bu'a Sîão wamêtiri bu'api niísa! Tii makápi Ô'âkî hire weré ko'terâ pâharâ waro niísama. ²³ Naâ nerê, kîî re e'katí peosama. Ô'âkî hi pō'ra kîî re êho peó

mi'ta'kārā kē'ra naâ wameré i'mî sepi ohâ ô'o no'o'kārā niísama. Toopíta Ô'ākî hi niî pe'tirāre besegí niísami. Tohò niiká too dipóropi ehêri pō'ra āyurá weé no'o'kārā toopí niísama. Marí kē'ra Ô'ākî hire êho peóse me'ra naâ tiropi wa'ārāsa'. ²⁴ Marí Jesuré êho peó'. Kîî Ô'ākî hi masaré “Naâ wiôgi niîgiti, naâ kē'ra yará niîrāsama” niî'kere apogí niîmi. Toopí kîî yéé diî a'mâ birose me'ra marí akobohó no'o'kārā wa'â. A'tîro niî'. Abel kîî diî a'mâ biroka, kîîre wêhé'kire bu'îri da'rê no'okaro niîwi. Tohò weéro Jesu Cristo yee dii, diporókî hi Abel yee dii nemoró wapatí'.

²⁵ Tohò weérā āyuró ti'o masíya. Ô'ākî hire misāre weregíre teetíkā'ya. Too dipórokāharāre Ô'ākî hi bahú yoaropi werêki niîwi. Naâ kîîre teekārā niîwā. Naâ tohò weeká, naāre bu'îri da'rêki niîwi. Marí pūrikāre teeká, tâhâgisami. Ô'ākî hi i'mîsepi niîgi maríre werêmi. Kîîre teerā, neé yî'ri wetísome. ²⁶ Tiitapire Ô'ākî hi kîî ipítî uúkūkā, di'tā nara sáakaro niîwi. A'tóka terore a'tîro niîmi: “Ni'kāti di'tā nara sáakā wee nemógiti. Di'tā di'akíre nara sáakā weesomé. F'miáropi niisé kē'rare nara sáakā weegíti”, niîmi Ô'ākî hi. ²⁷ Kîî ni'kāti di'tā nara sáakā wee nemógiti niîgi, a'tîro niîgi weemí. Niî pe'tise kîî we'é'ke bahusé mióota basiósere kô'âgisami. Mióota basiótise i'mîsekāhase di'akî toharósa'. ²⁸ Ô'ākî hi kîî wiôgi niirópi toharósa'. Toopí marí niîrāsa'. A'té neé mióota basió wee'. Tohò weérā Ô'ākî hire a'teré “Áyú” niîrā. Kîîre “Áyú” niîrā, kîî ti'saró noho āyuró weérā wee'. Kîîre êho peórā wio pesásé me'ra weérā wee'. ²⁹ Marí wiôgi Ô'ākî hi niî pe'tise yā'sére i há kô'ari me'e weeró noho niîmi.

Ô'ākî hi kîî ti'sasére weeyá niisé niî'

13 Misā Jesu Cristore êho peórā ni'kí pō'ra weeró noho niî'. A'mêri ma'í du'utikā'ya. ² Misa yaá wî'ipi etarāre, siharí masare āyuró weeyá. Teeré akobohótikā'ya. Āpêrā tohò weérā i'mîsekāharā Ô'ākî hire weré ko'terā eharāre yê'êkārā niîwā. “Ô'ākî hire weré ko'terā niîma”, niî masítikārā niîwā.

³ Bu'îri da'reri wî'ipi niîrāre wākūya. Naâ me'ra niîrā weeró noho ti'ó yā'aya. Yā'áro yî'rí, kamí da're no'o'kārā kē'rare wākūya. Misá kē'ra naâ weeró noho ipítî'. Tohò weérā pi'etí tamu masí'.

⁴ Niî pe'tirā nimôtirā, marâpítirā a'mêri wio pesāse me'ra i'yāya. Misā nimosā numia me'ra āyuró niisétiya. Numiā naâ marapí simia me'ra meharóta niisétiato. Nimô marirá, marâpi marirá no'ó iaró a'me tārā baha ke'atirāre Ô'ākî hi bu'îri da'rêgisami. Tohò niiká nimôtirā, marâpítirā niîmirā, âpêrāre a'me tārā baha ke'atirāre bu'îri da'rêgisami.

⁵ Niyérure iâri peha yî'ri ni'katikā'ya. Misā kiosé me'ra e'katíya. Ô'ākî hi a'tîro niîkí niîwî: “Neé mi'î're ni'kítā du'u kúúsome. Neé kô'â wā'kasome.” ⁶ Tohò weérā diakí híta êho peóse me'ra a'tîro niî masí'.

Marí wiôgi yî'îre wee tamúmi.

Neé ni'kí yî'îre yā'áro weé sî'risere uí wee', niî masí'.

⁷ Misāre āyuró si'orí wêhé peo'kārā Ô'ākî hi yee kiti werê'kārāre wākūya. Naâ āyuró weeséti yapá da'reo'kere wākūya. Naâ weeró noho êho peó niisétiya.

⁸ Jesu Cristo neé dika yuútimi. Too dipóropire niiséti'karo nohota ni'károakāre, be'ropíre meharóta niî nu'kugisami. ⁹ Tohò weérā âpêrā misāre mehêkā wereká, êho peótikā'ya. Ô'ākî hi kîî pahá yā'ase me'ra maríre ehêri pō'rariipi wākú tutuakā weesamí. Āpêrā a'tîro dutisére kiomá: “A'teré ba'aró iá'. A'té pe'ere ba'âtikā'ro iá'”, niîma. Naâ dutisére yî'tiró

nemoró Ô'ákî hi marîre wākû tutuakã weesé pe'e äyú yî'ri ni'ka'. Teé dutisére yî'tiká, tohó niirã nohore wākû tutuakã weé wee'.

¹⁰ Diporókâhará sacerdotea Ô'ákî hi wi'ipî da'rará apêye wa'ikîrã î há moro peo'kere ba'âtikãrã niîwã. Naã ba'âti'karo nohota naáta taha a'tóka terore marî Jesu Cristore êho peórã me'ra bu'î peha masitisama. ¹¹ A'tîro niî'. Judeu masî sacerdotea wiôgi wa'ikîrãre wêhéki niîwî. Kîî Ô'ákî hi Niî butia'ri Tûkupi naa yeé dífre mii sãháki niîwî. Masã yã'áro weé'kere akobohó dutigi tohó weéki niîwî. Tohó weemígi, naã wa'ikîrã ipî pe'ere makã sumútohopi î há kô'aki niîwî. ¹² Tohó weé'karo noho Jesu makã sumútohopi pi'etí, wêríki niîwî. Kîi yeé dí me'ra marîre bu'îri marirã tohaká weégi, tohó weéki niîwî. ¹³ Kîî makã sumútohopi wêrisé “Bopôya niî”, niî no'okaro niîwî. Kîî wêriká, Judeu masa wiôrá kîîre tu'tí, yabîkãrã niîwã. Marî kê'rare kîîre siru tuúkã, âpêrã tu'tí, yabîma. Marî kîîre siru tuúro íá!. Naã tohó weesére tohó tí'ó yã'ará. ¹⁴ A'ti nukúkãpire marî niirí maka neê niî dohasome. Ape maká, be'ropí marî niáítihi maka í'mîse pe'ere a'mã'. ¹⁵ Tohó weérã Jesu Cristo kîî wee tamúse me'ra marî Ô'ákî hire êho peórã, a'tîro weérã. Wa'ikîrãre wêhé î há moro peo'karo weeró noho weérã, kîîre “Äyú” niî nu'kurã. “Kîî marî wiôgi niîmi, äyú yî'riami” niirã, tohó weerã. ¹⁶ Tohó niiká misã äyuró weé nu'kukã'ya. Äyuró weesére akobohótikã'ya. Äpêrãre wee tamúrã, naãre misã kîosére dika waáya. Tohó weérã misã Ô'ákî hipire o'órã weeró noho weerãsa'. Kîî tohó weesére ti'sãsami.

¹⁷ Misãre si'orí wehê peorãre yî'tiyã. Naã dutisére weeyã. Naã mehêkã êho peóri niirã, misãre í'ya niri, bu'ê nu'kuma. Naã Ô'ákî hire a'tîro niirãsama: “Ísã naãre bu'êrã, keoróta weewí”, niirãsama. Tohó weérã naã dutisére ti'sãropita yî'tiyã. Naãre bihã wetikã weetíkã'ya. Misã naãre yî'ri ni'kakã, naã misãre äyuró wee tamú masítima.

¹⁸ Ísãre Ô'ákî hire sêri basã nu'kukã'ya. Ísã bu'îri marirã tí'ó yã'a'. Niî pe'tisere keoró weé si'ri'. ¹⁹ A'tîro Ô'ákî hire sêriká íá!: “Maatã Ô'ákî hi misã tiropi yî'îre o'ôo'ato”, niî sêriyã.

Äyú dutí tiöse, tohó niiká Ô'ákî hi äyuró weeáto niisé niî'

²⁰ Ô'ákî hi äyuró ehêri pô'ratikã weegí marî wiôgi Jesu Cristore wêrí'kipire masóki niîwî. Jesu Cristo ovelha ko'tegí weeró noho marîre äyuró ko'tegí niîmi. Kîî wêrisé me'ra, kîi yeé dí me'ra Ô'ákî hi masaré “Naã wiôgi niîgiti, naã kê'ra yarã niirãsama” niî'kere keoró wa'aká weéki niîwî. Ô'ákî hi masaré “Tohó weegíti” niî'ke niî nu'kurosa'. ²¹ Ô'ákî hi misãre keoró niisétikã weeáto. Niî pe'tisere äyuró weesétikã weeáto. Tohó weeká, kîî iaró wee masírãsa'. Jesu Cristo kîî tuturó me'ra misãre tohó weegísami. Cristore e'katí peo nu'kurã. Tohóta weerã.

²² Yî'î akawerãrã, yî'î misãre werê kasasere ni'ka kuréya. Yî'î misãre yoâtiri pûri ohã!. ²³ Misã a'tîro masiká íá!. Marî akawerégi Timóteo bu'îri da'rerí wi'ipî niî'ki du'u wîró no'o tohami. Kîî maatã yî'î tiropi etaká, misã tiropi wa'ãgi, kîîre miãagiti.

²⁴ Niî pe'tirã misãre si'orí wehê peorã äyuáto. Niî pe'tirã Jesu Cristore êho peórã kê'ra äyuáto. Itáliakãharã misãre äyu dutíma.

²⁵ Ô'ákî hi misã niî pe'tirãre äyuró weeáto. Tohóta weeáto.